



C40  
4514  
87



6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

C40-4E14

丁翁上座譲大藏及有  
家書置武州紫雲山  
戒微寺塔院宜府由永  
為學者不敢許出此內  
當山三世鐵牛機譯誌



B 64853

佛本行集經卷第四十一

隋天竺三藏法師闍那崛多譯

迦葉三兄弟品第四十四之二

爾時毒龍見火神堂四面一時洞然熾盛唯有如來  
所坐之處其處寂靜不見火光見已漸詣向於佛所  
到佛所已卽便踊身入佛鉢中而說是偈

若人百千億萬歲一心祭祀此火神

彼輩不能斷去瞋如今勝世尊忍辱

一切天人何界內唯有世尊大丈夫

諸被瞋恚重病纏世尊能與忍辱藥

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

爾時世尊過彼夜後至明清旦手擎於鉢將彼毒龍來至優婁頻螺迦葉所坐之處到已卽告彼迦葉言仁者迦葉此是毒龍汝等所畏不能入於火神堂者此卽是彼以我威火滅其毒火今故將來以示汝輩諸梵志等而有偈說

是時彼夜分已過 世尊來至迦葉所

鉢中盛於毒龍示 手擎安置著彼前

爾時優婁頻螺迦葉作如是念此大毒龍爲自入於大沙門鉢爲大沙門神通力故敎其入中爾時世尊知彼優婁頻螺迦葉心之所念知已卽便手所執鉢

自然展向優婁頻螺迦葉之邊時彼毒龍九頭大項引頸欲向優婁頻螺迦葉身邊爾時優婁頻螺迦葉見龍舉頭欲向已邊心生驚怖却縮身住自以兩手掩覆其面爾時世尊告彼優婁頻螺迦葉作如是言仁者迦葉何故縮身如是驚怖汝心畏也迦葉報言如是如是大德沙門我實畏也爾時佛告彼迦葉言仁者迦葉汝莫怖畏爾時世尊卽以偈頌語迦葉言我昨夜來教化彼 其更不能恐怖他  
若其今欲蟄於仁 世間終無有此法  
假使天崩倒於地 大地破碎如微塵

須彌移離本處安 諸佛口終不妄語

爾時優婆頻螺迦葉作如是念此大沙門大威神力大有功能乃設如是神力之火滅彼毒龍毒惡熾火其事雖然而猶不得阿羅漢果如我今也爾時世尊取彼毒龍發遣安置彼大海水鐵圍山間是時優婆頻螺迦葉卽白佛言大德沙門彼毒龍今安在何處爾時佛告彼迦葉言仁者迦葉彼之毒龍我今已安置於彼鐵圍山間爾時優婆頻螺迦葉見佛示現是神通已心生歡喜卽白佛言大德沙門願恒住此我當常請供奉飯食爾時世尊默然受彼優婆頻螺

迦葉等請或復有師作如是說佛告優婆頻螺迦葉作如是言仁者迦葉若汝等輩能依時節告我食時如是則我受仁者請時迦葉言我等當告爾是色界淨居諸天卽說偈言

此是大慈世尊力 善能降伏大毒龍

其三迦葉事火神 所有精進力當滅

爾時世尊從彼優婆頻螺迦葉邊受食訖漸漸而行去於優婆頻螺迦葉處所不遠有一林名差梨尼迦  
此言研枝卽出乳汁在於彼林經行而住是時四鎮四大天王身出勝光當於夜半下來世間以天身光普照彼林

9 8 7 6 5 4 3 2 1 0

向於佛所到佛所已頂禮佛足合掌而却各隨來方  
住立一面向佛曲躬低頭頂禮如猛火聚出大燄光  
照尼迦林爾時優婆頻螺迦葉過彼夜後晨向佛所  
到佛所已而白佛言大德沙門食時將至飯食辦具  
未審昨夜四人是誰身出最勝微妙光明而於夜半  
照此林樹來到於此大沙門邊到已頂禮却住一面  
低頭合掌恭敬立住譬如火聚出大勝光爾時佛告  
彼迦葉言仁者迦葉彼四人者是四天王來請我所  
從於我邊欲諮詢法是時優婆頻螺迦葉心如是念  
此大沙門大有威神大有威德乃有四大天王下來

詣於其邊欲請問法威力雖然但其不得阿羅漢果  
如我今也爾時世尊卽至優婆頻螺迦葉所住之處  
飯食訖已後還向彼林內經行寂靜而住是時忉利  
帝釋天王放身最勝上妙光明於夜半時普照彼林  
來詣佛所到已頂禮佛世尊足却住一面合十指掌  
向佛而立譬如火聚出大燄光倍勝於前四天王身  
明照顯赫不可爲比爾時優婆頻螺迦葉過彼夜已  
往詣佛所到佛所已而白佛言大德沙門食時已至  
飯食辦具未審昨夜光明是誰於夜半時身出最勝  
大光明來到已頂禮合十指掌向一面立乃至猛燄

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

倍四天光爾時佛告彼迦葉言仁者迦葉彼是忉利天主帝釋來詣我邊欲聽法故是時優婆頻螺迦葉作如是念此大沙門大有威德乃令帝釋來詣其邊欲聽於法威力雖然而猶不得阿羅漢果如我今也爾時世尊從彼優婆頻螺迦葉邊受食訖還向彼林經行而住時夜摩天於夜半時身出勝光來詣佛所到已合掌向佛頂禮却住一面乃至略說此大沙門大有威力大有威神乃令於彼須夜摩天來欲聽法威德雖然其猶不得阿羅漢果如我今也爾時世尊從彼優婆頻螺迦葉邊受食訖還向彼林經行而住

時兜率天於夜半時身出光明來詣佛所乃至略說此大沙門大有威力大有威神乃令於彼兜率陀天來欲聽法威德雖然其猶不得阿羅漢果如我今也爾時世尊從彼優婆頻螺迦葉邊受食訖還向彼林經行而住時化樂天於夜半時身出光明來詣佛所到已乃至此大沙門有大威神乃令化樂天子下來欲聽受法威德雖然其猶不得阿羅漢果如我今也爾時世尊從彼優婆頻螺迦葉邊受食訖還入彼林經行而住是時他化自在天子於夜半時身出光明來詣佛所乃至略說此大沙門大有威神大有威力

9 8 7 6 5 4 3 2 1 0 1 2 3 4 5 6 7 8 9 20 1 2 3 4 5 6 7 8 9 30 1 2 3 4

乃有他化自在天子來欲聽法威德雖然其猶不得  
 阿羅漢果如我今也爾時世尊從彼優婆頻螺迦葉  
 邊受食訖還向彼林經行而住是時娑婆世界之主  
 大梵天王於夜半時放身光明普照彼林來詣佛所  
 到佛所已合十指掌頂禮佛足却住一面向佛而立  
 譬如火聚出大猛燄勝於已前欲界諸天光明百倍  
 不可爲譬爾時優婆頻螺迦葉過彼夜後往詣佛所  
 到佛所已卽白佛言大德沙門食時已至飯食辦具  
 未審昨夜出勝光明普照林內來至於此大沙門邊  
 彼爲是誰合十指掌頂禮却住乃至勝前欲天光明  
 爾時世尊卽告優婆頻螺迦葉作如是言仁者迦葉  
 彼所來者是此娑婆世界之主大梵天王來詣我所  
 欲聽受法是時迦葉作如是念此大沙門大有威力  
 大有威神乃令娑婆世界之主大梵天王來至其邊  
 欲聽於法威德雖然其猶不得阿羅漢果如我今也  
 爾時世尊從彼優婆頻螺迦葉邊受食訖還向彼林  
 經行而住是時優婆頻螺迦葉居處年常恒共豎立  
 一祭祀法至其時節摩伽陀國一切人民將好種種  
 上味飲食歟者食者啖者啖者辦具已訖明日各各  
 欲來向於優婆頻螺迦葉居處爾時優婆頻螺迦葉

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

卽於其夜在自室內作是思惟明日集聚摩伽陀國一切人民辦具種種無量飲食欲來我邊修祭祀法而此瞿曇大德沙門脫於是會大眾之前顯示神通勝上之法若如是者我之所有利養名聞卽當著彼則於我邊或復減少唯願方便此大沙門明日莫來爾時世尊知彼優婁頻螺迦葉心所念已過彼夜後至鬱單越到彼乞食於阿耨達大池邊食食訖還在彼大池邊少時靜攝竟還本林經行而住爾時優婁頻螺迦葉過彼夜已食後往詣佛世尊所到佛所已卽白佛言大德沙門於食至時辦具亦訖未審沙門何故不來其事雖然我猶不忘所有諸食上好味者我今爲仁猶留一分爾時佛告彼迦葉言仁者迦葉汝昨夜在靜室之中獨自而坐可不如是思惟念言我於明朝在所居處年常恒作祭祀之法摩伽陀國所有男女一切人民將好種種食飲而來向於我邊而此大德沙門瞿曇恐於彼會衆人之前出現神通示上人法則我所有利養名聞悉著於彼大沙門邊我則減少心私願我明日莫來仁者迦葉我於爾時知仁此心如是想念過於彼夜我卽騰空至鬱單越向彼乞食得已來到阿耨達池如法而食隨日多少

在彼經行還向此林宿止而來是時優婆頻螺迦葉作如是念此大沙門大有神力大有威權感變雖然其猶不得阿羅漢果如我今也

尼沙塞說爾時優婆頻螺迦葉居處年常有一大會名翼宿日彼會之日摩伽陀國數千萬人各來聚集然其彼會亦有市易隨諸人輩所須行買是時優婆頻螺迦葉作如是念明朝此處若沙門來所有人民皆觀看彼不爲我等造作齋食卽作如是思惟念已往詣佛所卽白佛言大德沙門明朝我林修道處所當作大會多有衆生百千聚集甚大喧鬧而大沙門愛樂寂靜恒行清淨空閑

之處沙門可從此處移去別求靜處彼間而住

此僧祇說爾時世尊從彼住處卽便移至差黎迦林至彼林已心念彼四迦婁羅王王名可觸又四提頭賴吒龍王四水神龍四大天王帝釋天主及餘欲界一切諸天娑婆界主大梵天等並皆念之爾時彼等四可觸王迦婁羅等知佛內心如是念已出現大風從彼優婆頻螺迦葉所居住處飛騰虛空卽時往詣差黎迦林到彼處已頂禮佛足合十指掌却住一面遙覩世尊向佛頂禮其四提頭賴吒龍王四水神王亦知佛心出大雲雨從彼優婆頻螺迦葉居處飛向差黎迦林

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

經

佛經卷第十一

七

屬

到已頂禮佛世尊足合十指掌却住一面向佛遙敬  
 是時四方四大天王亦知佛心作大端正可喜之身  
 爲人樂見顯赫威光照曜自身悉乘白象從地涌出  
 從彼優婆頻螺迦葉居處往詣差梨迦林到已頂禮  
 佛世尊足乃至合掌遙敬於佛爾時忉利帝釋天王  
 及欲界天娑婆世主大梵天王知佛心念身出威光  
 遍照其地從彼優婆頻螺迦葉居住之處飛騰虛空  
 一時往詣差梨迦林到已頂禮佛世尊足乃至曲躬  
 遙敬於佛爾時彼處一切人民見如是衆諸天龍等  
 心生恐怖身毛皆豎即便問彼優婆頻螺迦葉等言

大德和尚此何物神作斯變恠非是灾也或當有疫  
 或大恐怖或大鬪諍或有迦吒富單那鬼及黑闇鬼  
 而欲來乎爾時優婆頻螺迦葉作如是念此必是彼  
 大德沙門威力作斯神通變也即便報彼諸大衆言  
 汝等一切莫恐莫怖莫畏莫<sup>為</sup>此非災變亦非疫病  
 及以鬪諍諸鬼魅來當有無畏當有豐熟當無恠異  
 不須恐怖亦無疾病汝等但當安隱自慰此事無苦  
 一切諸相盡皆大吉爾時優婆頻螺迦葉作如是念  
 我今亦可往詣於彼大沙門邊度量此事自應當知  
 何故何變致使如是彼作如是思惟念已即便往詣

9 8 7 6 5 4 3 2 1 0

經

佛說經卷四十一

九

譚二

佛世尊所欲至佛邊如來忽以神通之力卽於其前化作一箇高峻大山而彼欲來不能得過到彼山已卽反廻還過彼夜後還詣佛所到佛所已而白佛言大德沙門昨日作何如是變恠我從昔來在此居停未曾覩見如斯之事爾時世尊卽便爲彼廣說前事而彼優婆頻螺迦葉旣聞說已生大希有奇特可恠我多年來在此恒常祭祀火神不曾有一旋風之氣至於我邊況復餘神然今此處沙門瞿曇有大威德一切諸天來向其邊作是念已卽於佛邊生信向心希有之心卽以心請佛世尊云願大沙門明日食時更於我邊受我微供若佛實是一切智者應知我心作是念已如來卽知優婆頻螺迦葉心念默然而受彼之心請爾時優婆頻螺迦葉還其居處告諸一切摩那婆言汝等詣向大沙門邊量度觀看其大沙門作於何事爲當求食欲著衣行爲當默然寂靜而坐爾時彼等諸摩那婆從於優婆頻螺迦葉聞此言已卽便往詣差梨迦林到已見佛在彼林內樹下思惟寂然而住彼等見已詣向佛所到佛所已而白佛言大德沙門仁今何故不求食也爾時佛告彼諸一切

經

佛說經卷四十一

十

譚二

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

經一

七

篇一

摩那婆言諸摩那婆我已被請彼等問言大德沙門  
是誰所請佛卽報言汝輩和尚已請我也爾時彼等  
摩那婆心生於希有甚奇可恠希有希有此大沙門  
然口不言遙知他心彼等卽大歡喜踊躍遍滿其體  
不能自勝爾時彼等速疾廻還優婁頻螺迦葉之邊  
到已白言尊者和尚我決定知此大沙門是一切智  
和尚以心默請於彼彼卽自知和尚之心亦向我言  
我以被汝和尚心請爾時優婁頻螺迦葉聞彼語已  
卽便鋪設大價之座鋪設既訖心發是念沙門瞿曇  
若仁今是一切智者當應我念卽現此座爾時世尊  
知彼優婁頻螺迦葉心所念已身應時現於彼座上  
爾時優婁頻螺迦葉旣見世尊在其座上端然而坐  
見已歡喜卽以自手將好種種餚饍飲食持用施佛  
所謂噉食唼味舐啜豐足自恣復作是念希有希有  
此大沙門大有威神大有德力乃能知我心中所念  
威神雖然而猶不得阿羅漢果如我今也爾時世尊  
於彼優婁頻螺迦葉邊受食訖還廻至於差梨迦林  
經行而住是時世尊身上所著袈裟之衣悉皆破壞  
而彼兵將婆羅門村有於一家人命旣終卽便林葬  
是時世尊於林見已卽自收取彼糞掃衣取已世尊

6 7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

十一

譚二

作是思念我今何處洗於如是糞掃之衣能使清淨爾時帝釋忉利天王既知世尊心意所念知已卽於彼之處所以手掘地造作一池其水清淨作已卽便詰白佛言善哉世尊願以此水洗糞掃衣是時世尊見池水已復如是念今雖得水當於何上洗浣是衣爾時帝釋知佛心已從鐵圍山將一大石安置佛前置已白佛作如是言唯願世尊於此石上洗踰是衣是時世尊復如是念今雖得石復當攀何洗踰此衣時彼池岸舊有一樹名迦拘婆此言峯時彼樹間有一樹神知佛意念按樹一枝令垂向下而白佛言唯願

世尊攀此樹枝洗踰於是糞掃之衣爾時世尊復如是念我洗衣已復於何上曝曬此衣爾時帝釋知佛心念知已卽從鐵圍山間將一最大寬廣之石安置佛前旣安置已卽白佛言唯願世尊於是石上以用曬衣是時世尊卽於石上曬糞掃衣爾時優婆頻螺迦葉過彼夜後往詣佛所已而白佛言大德沙門食時已至辦具訖了又復白佛大德沙門已前此處無有是池今日何故忽有此池此處已前無有二石又從何來其迦拘婆此樹已前枝不垂下今日何緣如是蟬垂不知何緣忽然如此作是語已默然

不言佛告優婆頻螺迦葉作如是言仁者迦葉此處  
我得糞掃之衣彼時我作如是心念以何浣此糞掃  
之衣爾時帝釋知我心念以手掘地出此池水而白  
我言世尊今可以此池水洗糞掃衣以如是故至今  
相傳名爲帝釋手掘之池得是水已我復更作如是  
思念我於何上踰糞掃衣爾時帝釋知我心念從鐵  
圍山將一大石來置此地而白我言唯願世尊於此  
石上用洗浣衣是故此名非人擲石我於彼時作如  
是念我手攀何而踰是衣爾時彼樹迦拘婆神知我  
心念以手按此樹枝令垂而白我言唯願世尊手攀  
此枝用脚踰衣以是因緣此樹之枝如是懸垂得於  
枝已我如是念今於何上曬於此衣爾時帝釋知我  
心念從鐵圍山將此廣石擲置我前而白我言唯願  
世尊於此石上曬所浣衣以是因緣此石名爲非人  
所擲爾時優婆頻螺迦葉作如是念此大沙門大有  
威力大有神通乃能令彼天主帝釋而來供承變現  
雖然但大沙門理實未得阿羅漢果如我今也爾時  
世尊至於優婆頻螺迦葉居處食訖廻還至林經行  
而住爾時優婆頻螺迦葉過彼夜後往詣佛所到佛  
所已而白佛言大德沙門若知時者飯食已辦是時

世尊告彼優婆頻螺迦葉作如是言仁者迦葉汝於  
前去我卽隨來爾時世尊旣發遣彼優婆頻螺迦葉  
去已卽乘神通向須彌山是時彼山有闍浮樹以彼  
闍浮樹因緣故所以得此闍浮提名於彼樹上取得  
果已於先來至優婆頻螺迦葉居處火神堂中端然  
而坐而彼優婆頻螺迦葉在後來見如來坐於火神  
堂內見已驚恠卽白佛言大德沙門仁從何道而來  
至此仁先在林於我後發卽今何忽在我前到此火  
神堂其中安坐爾時佛告彼迦葉言迦葉我先發遣  
汝已至須彌山彼有一樹名曰闍浮因彼樹故此今  
得是闍浮提名彼樹上果我今將來在此堂內指示  
迦葉彼闍浮果卽此是也顏色端正香味微妙食者  
甚美汝今可取此之甘果而歟食之爾時迦葉卽白  
佛言大德沙門此事不然仁自合歟此之甘果我不  
應食爾時優婆頻螺迦葉心如是念此大沙門大有  
神通大有威力乃能於先發遣我已其身自到須彌  
山取闍浮果來此火神堂於前而坐雖然猶不得阿  
羅漢如我今也爾時世尊於彼優婆頻螺迦葉居處  
食訖速還向於林內經行是時優婆頻螺迦葉過彼  
夜後至明清旦往詣佛所而白佛言大德沙門若知

時者飯食已辦爾時世尊告迦葉言迦葉汝今且於  
先行我隨後去爾時世尊於先發遣迦葉去已卽復  
還自向須彌山離闇浮樹相去不遠更有一樹名菴  
婆羅從菴婆羅取得一果於先來到迦葉住處火神  
堂坐迦葉後來見於世尊在火神堂安然而坐見已  
白佛作如是言大德沙門從何道來在我前到此火  
神堂佛告迦葉我遣汝後至須彌山取得於是菴婆  
羅果將來在此乃至先勸迦葉令食迦葉白言我不  
合食爾時優婆頻螺迦葉心如是念此大沙門大有  
神通大有威力乃能於先發遣於我到須彌山取果  
將來於先而坐雖然猶不得阿羅漢如我今也爾時  
世尊於彼優婆頻螺迦葉居處食訖還廻至彼林內  
經行是時優婆頻螺迦葉過彼夜後至明清旦往詣  
佛所而白佛言大德沙門若知時者飯食已辦乃至  
去彼闍浮提樹處所不遠有阿梨樹將彼果來先到  
迦葉火神堂內乃至沙門大有神通雖然猶不得阿  
羅漢如我今也爾時世尊食訖還至彼林經行乃至  
去彼闍浮提近更有一樹名毗醯勒彼樹上取一果  
將來先到堂內乃至如前此大沙門大有神通先遣  
我身其後取果雖然猶不得阿羅漢如我今也爾時

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

6 7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4

世尊食訖還至彼林經行乃至去彼闇浮提近更有  
 一樹名曰摩勒彼樹取果於先將來坐火神堂乃至  
 沙門大有神通先發遣我身後將果來火神堂雖然  
 猶不得阿羅漢如我今也爾時世尊食訖還至彼林  
 經行是時優婆頻螺迦葉過彼夜後往詣佛所到佛  
 所已而白佛言大德沙門若知時者飯食已辦佛告  
 迦葉汝先且去我隨後來爾時世尊遣迦葉已至瞿  
 耶尼到彼處已乞乳滿鉢在前來至火神堂內是時  
 優婆頻螺迦葉見已白佛大德沙門從何道來在於  
 我前到此堂內佛告迦葉我遣汝後到瞿耶尼乞得  
 是乳滿此鉢中在是而坐迦葉是乳顏色微妙香氣

甘美如意若樂取此乳飲迦葉白佛我不堪飲沙門  
 自飲是時迦葉作如是念此大沙門大有威力大有  
 神通乃先遣我其後身往瞿耶尼國乞乳滿鉢先來  
 至此火神堂內雖然猶不得阿羅漢如我今也

### 佛本行集經卷第四十一

音釋

闍(奴敎切)疫(營隻切)唼(子合切)喙(齧也)雙角(切)氐(神番  
 古取疫昌悅切)跔(徒合切)曝曬(曝蒲木切曬所賣)  
 軛(丁可切)垂下貌

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

金童子鑾奉爲  
本行集經卷第四十一計字六千一百四十  
個該銀三兩零七分二厘伏願乘此續佛慧  
之因用祈恒轉法輪之壽

至誠壬午孟冬鑾和南謹識

### 佛本行集經卷第四十二

隋天竺三藏法師闍那崛多譯

### 迦葉三兄弟品第四十四之三

爾時世尊食訖還至彼林經行是時優婁頻螺迦葉  
過彼夜後往至佛所到已白佛大德沙門若知時者  
飯食已辦佛告迦葉汝於先去我隨後來爾時世尊  
於先發遣迦葉去後卽往到彼三十三天到彼天已  
取得一華其華名波梨闍多迦此言彼岸生取已於先來  
火神堂迦葉後來見佛已坐卽白佛言大德沙門從  
何道來在於我前到火神堂佛告迦葉我先遣汝後

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

至忉利天宮將此波梨闍華來火神堂然此波梨闍  
 多迦華顏色可愛香氣甚好汝意若樂可取此華願  
 其香氣迦葉白佛大德沙門此華香氣微妙精好沙  
 門自持我不合覲是時迦葉作如是念此大沙門大  
 有威力大有神通乃能於先發遣我已後到天上取  
 彼波梨闍多迦華於先來坐火神堂內雖然猶不得  
 阿羅漢身心寂靜如我今也爾時迦葉居處螺髻諸  
 梵志等欲破於柴而不能得若倚立者不能屈身若  
 低腰時不能正直若斧著柴拔不能出爾時彼等螺  
 髻梵志作如是念此之神通必當是彼大沙門作無  
 有疑也乃令我等今日不能破此柴薪極甚勞苦爾  
 時世尊告彼優婆頻螺迦葉一切等言螺髻迦葉汝  
 等今欲破於薪也迦葉白佛大德沙門實欲破薪而  
 不能得是時佛作如是語已彼等梵志卽得自恣破  
 其薪柴是時優婆頻螺迦葉作如是念此大沙門大  
 有威力大有神通雖然猶不得阿羅漢如我今也爾  
 時世尊食訖還向彼林經行是時優婆頻螺迦葉所  
 居住處欲燃火燭而不能著是時彼等螺髻梵志作  
 如是念此之神通必是彼大沙門所作無有疑也而  
 令我等如是辛苦火不能然爾時世尊告彼優婆頻

6 7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4

螺迦葉一切等言迦葉汝等欲然火耶是時彼等迦葉報言大德沙門我欲然火時佛問已彼火卽然五百火聚是時優婆頻螺迦葉作如是念此大沙門大有威力大有神通乃能令彼可然之火不聽其然若欲令然方始卽然雖爾猶不得阿羅漢如我今也爾時世尊食訖還向彼林經行爾時彼等螺髻梵志欲滅於火而不能得爾時彼等螺髻梵志作如是念此是沙門神通之力而令我等火炎欲滅不能得滅爾時世尊告迦葉言迦葉汝等今欲滅於此火炎也迦葉白佛大德沙門我今欲得滅此火炎而不能得時

佛問已卽得滅於五百火炎爾時迦葉作如是念此大沙門大有威力大有神通其力乃能滅火卽滅欲然卽然雖爾猶不得阿羅漢如我今也爾時世尊食訖已後還至彼林經行而住是時後等螺髻梵志至極寒冬夜正夜半或至後夜嚴酷凍冷多有風雪入於泥連禪河水中或沒或出如是澡浴爾時世尊以神通力化作五百赤炭火聚在彼岸邊是時彼等螺髻梵志心如是念此必定是彼大沙門作是神變忽然有此五百火爐而無烟炎使於我等從冷水出向

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

火炙煖是時優婆頻螺迦葉作如是念此大沙門大有威力大有神通乃能化作五百爐火無有烟炎令我螺髻五百弟子從冷水出向火煖坐雖然猶不得阿羅漢如我今也爾時世尊食訖已後還至彼林經行而住是時彼等螺髻梵志欲取於水各手持瓶或將軍持欲用取水而不能捉是時彼等螺髻梵志作如是念此必是彼大沙門作而令我等不能取瓶及以軍持爾時世尊告彼優婆頻螺迦葉並及五百螺髻梵志一切等言迦葉汝等各欲將瓶及軍持等欲取水乎迦葉白言善哉沙門此等五百螺髻梵志將

瓶軍持欲取於水時佛問已而其五百螺髻梵志皆能將瓶及軍持等得取於水爾時優婆頻螺迦葉作如是念希有希有此大沙門大有威力大有神通乃能令此五百螺髻諸梵志等許其取水乃能得水不許不得雖然猶不得阿羅漢如我今也爾時世尊食訖已後還至彼林經行而住是時優婆頻螺迦葉其於已前祭祀火時恒常坐七多羅樹上於後祭祀還欲上七多羅樹上而不能上爾時優婆頻螺迦葉作如是念決定是彼大沙門作神通無疑令我不能上此多羅樹上祭火是時迦葉作如是念此大沙門大

有威力大有神通乃能如是不許我等上於樹者則  
不能上雖然猶不得阿羅漢如我今也爾時世尊食  
訖已後還至彼林經行而住是時優婆頻螺迦葉上  
七多羅樹上祭祀上已不能安隱而住爾時優婆頻  
螺迦葉作如是念決定是彼大沙門作神通無疑令  
我上此七多羅樹舊住處坐不能得住復更欲上而  
白佛言善哉沙門願聽我等依舊住此七多羅樹祭  
祀於火時佛語已其迦葉等卽得依舊安住彼七多  
羅樹上爾時優婆頻螺迦葉作如是念此大沙門大  
有威力大有神通乃能許我住則得住不許不得雖  
然猶不得阿羅漢如我今也爾時世尊食訖還至彼  
林經行而住是時迦葉祭祀火時火及木頭東西馳走  
不能一住是時迦葉作如是念決定是彼沙

6 7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4

門瞿曇作是神通令我祭祀火之器具東西馳走狀  
 若人駢不能定住卽白佛言善哉沙門願令我此祭  
 祀火具得一定住爾時佛告彼迦葉言如汝等意其  
 祭火具卽得安定因此緣故其迦葉等作如是念此  
 大沙門大有威力大有神通乃能許我祭祀火器住  
 則得住不許不住雖然猶不得阿羅漢如我今也爾  
 時世尊食訖已後還至彼林經行而住是時彼處忽  
 爾非時其虛空中起大黑雲降大暴雨佛所居處無  
 有雨水爾時世尊作如是念我今可令此水遍布而  
 於水內復見乾地令有塵起現經行處於彼往來作

是念已卽現如前乾地塵全來去經行爾時迦葉作  
 如是念今旣非時虛空之中云何忽爾非時起雲而  
 降大雨此大沙門所住之處亦有一種大水彌滿此  
 之沙門或可爲水之所沒溺或令不見作是念已多  
 將螺髻諸梵志等坐於船中處處求覓漸至佛所到  
 佛所已如是而住爾時迦葉旣見世尊兩邊有水唯  
 獨中間現於乾地塵土全起來去經行見已白佛大  
 德沙門今住在此大水中乎佛言住此作是語已飛  
 謄虛空卽便徃詣迦葉船上爾時迦葉因此緣故作  
 如是念此大沙門大有神通大有威力乃能在水作

6 7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4

是道行雖然猶不得阿羅漢如我今也摩訶僧祇作如是說如來爲彼優婆頻螺迦葉等輩示現如是五百神通而彼優婆頻螺迦葉等於一切時作如是念此大沙門大有威力大有神通雖復變現德術如此而其唯不得阿羅漢如我今也爾時世尊作如是念此之癡人於無量時有如是念此大沙門有大威力有大神通雖然而不得阿羅漢如我今也而我今可爲此迦葉及諸弟子令開慧眼發狀離心爾時世尊告彼優婆頻螺迦葉作如是言迦葉汝今非阿羅漢亦復未入阿羅漢道而汝實無阿羅漢相況復得於

阿羅漢果因於此言時其優婆頻螺迦葉心生羞慚身毛卓豎頂禮佛足而白佛言善哉世尊與我出家受具足戒爾時世尊告彼優婆頻螺迦葉作如是言汝大迦葉此諸五百螺髻梵志依汝住止順汝法行汝可共其平量好惡告語令知如於彼等意情所樂作如是事爾時優婆頻螺迦葉聞佛語已即便往詣五百螺髻梵志之邊到已告言汝等梵志摩那婆輩從我受此居處住止及奉火神所安堂室及祭祀器各隨汝等意樂而用我今欲向大沙門邊當行梵行爾時彼等五百弟子螺髻梵志共白優婆頻螺迦葉

9 8 7 6 5 4 3 2 1 0

經

釋名卷二

七

屬二

作如是言和尚自從見彼瞿曇大沙門來我等多時意樂欲往大沙門邊行於梵行而爲敬惜和尚心故口不發言和尚今者若欲於彼大沙門邊行梵行者我等亦當隨從而往依彼教法爾時優婆頻螺迦葉及諸弟子往詣佛所到佛所已却住一面爾時佛告迦葉等言汝等梵志可棄於汝鹿皮之衣及軍持杖衆雜頭髮令諸螺髻祭祀火神諸器皿等種種調度向彼尼連禪河水中而皆擲却是時彼等卽白佛言一如大德沙門教誨我等不違時諸梵志卽將所著鹿皮之衣乃至種種器皿調度向彼河岸悉擲水中

彼等諸物擲水中已作種種聲或唧唧聲而逐水流彼等螺髻見於如是諸異事已心中復更增益歡喜頂禮佛足而白佛言唯願世尊與我等輩出家受戒爾時佛告彼等梵志作如是言汝等比丘來入於我所說法中行於梵行盡諸苦故是時彼等五百長老應聲出家卽成具足于時那提螺髻迦葉在尼連禪河水下流岸邊修道見於彼等鹿皮之衣及祭火神器皿調度隨水沿流見已歎然心生恐怖而發此言咄咄異事我兄或能爲賊所破不著居處被他殺也我今可往至彼觀察是何災禍變恠所致忽然若斯

爾時其弟那提迦葉作是念已先遣多人螺髻梵志  
詣彼逆看好惡當告汝等檢校彼有何恠其事云何  
弟子奉教往彼看已迴還報言並各平安事瞿曇氏  
那提迦葉然後自將三百弟子左右圍繞往於長老  
優婆頻螺迦葉住處到已卽見優婆頻螺迦葉師徒  
剃除鬚髮著袈裟衣見已內心不大歡喜向兄迦葉  
而說偈言

仁者虛祭祀火神 徒復空修於苦行

今日旣捨此苦行 猶如蛇蛻於故皮

爾時那提螺髻迦葉卽白長老優婆頻螺迦葉兄言

此能勝也是時長老優婆頻螺迦葉報言此實勝也  
寧爲此行此行最妙爾時那提螺髻迦葉告其三百  
螺髻梵志諸弟子言汝等螺髻摩那婆輩我彼居處  
及泉池等并諸調度汝意自知作何處分我今欲在  
大沙門邊當修梵行爾時彼等三百螺髻梵志弟子  
白師那提螺髻迦葉作如是言和尚今若欲往於彼  
大沙門邊修梵行者我等亦當隨逐和尚同詣彼邊  
共修梵行爾時那提螺髻迦葉及諸弟子往詣佛所  
到佛所已却住一面爾時佛告彼等梵志作如是言  
汝等今者能將身上所著鹿皮及祭祀火器皿調度

6 7 8 9 10 12 3 4 5 6 7 8 9 20 1 2 3 4 5 6 7 8 9 30 1 2 3 4

擲置尼連禪河水中棄去以不彼等梵志同白佛言  
如沙門教我不敢違而彼等將如前調度即擲水中  
作啞啞聲逐水而去爾時彼諸螺髻梵志見如是等  
希有之事復增歡喜乃至彼等長老比丘應時出家  
卽成具戒爾時伽耶螺髻迦葉在河下流忽見鹿皮  
及祭祀火器皿調度隨水流下見已心復生大恐怖  
而發是言咄咄異事我兄或能被賊所破其居坐處  
不被煞也我今可往至彼觀察爲何災禍作是念已  
先遣多人螺髻梵志往彼逆看好惡當告汝等檢校  
彼有何恠其事云何弟子還報如前所答爾時伽耶  
螺髻迦葉然後自將二百弟子左右圍繞往於長老  
優婁頻螺并及那提二迦葉邊到已卽見二迦葉身  
剃除鬚髮著袈裟衣見已內心不大歡喜向於二兄  
優婁那提兩迦葉邊而說偈言

兄等昔空祭火神 亦復徒修於苦行

今日旣共捨此等 猶如蛇蛻彼故皮

爾時優婁頻螺迦葉并及長老那提迦葉還共以偈  
報弟伽耶螺髻梵志作如是言

我等昔空祭火神 我等亦徒修苦行

我等今得捨此法 實如蛇蛻彼故皮

9 8 7 6 5 4 3 2 1 0 1 2 3 4 5 6 7 8 9 20 1 2 3 4 5 6 7 8 9 30 1 2 3 4

爾時伽耶螺髻迦葉復問優婆頻螺迦葉並及那提迦葉等言兄今此處實能勝也是時長老二迦葉言此處實勝寧爲此行此行最妙爾時伽耶螺髻迦葉告其二百螺髻梵志諸弟子言汝等梵志摩那婆輩我彼居處所有泉池并諸調度汝意自知作何處分我今欲在大沙門邊修學梵行爾時彼等二百螺髻梵志弟子白師伽耶螺髻迦葉作如是言和尚今若欲往於彼大沙門邊行梵行者我等亦當隨逐和尚一時同詣大沙門邊共修梵行是時伽耶螺髻迦葉及其弟子往詣佛所到佛所已却住一面而白佛言

大德沙門我今及諸弟子欲入沙門法中是事一切當如是持爾時世尊卽告彼等螺髻梵志作如是言汝等若能然是事者當取汝等鹿皮之衣及祭祀火器皿調度悉棄擲著尼連河中彼等報言如沙門教我不敢違是時彼等螺髻梵志卽持鹿皮及諸調度祭祀火物悉擲河中擲河中已其諸皮衣軍持瓶罐出種種聲唧唧唱响隨流而下爾時彼諸螺髻梵志見如是等希有之事復增歡喜而白佛言善哉世尊與我出家及具足戒佛卽告言汝等比丘來入於我自說法中修行梵行盡於諸苦是時彼等諸長老輩

6 7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4

應聲出家卽成具戒爾時世尊在彼優婁頻螺迦葉  
 聚落之內隨多少時意樂住已漸漸行向伽耶城邊  
 如來在彼象頭山頂將是一千比丘徒衆停住卽以  
 三種神通教化彼等所謂身通口通意通而調習之  
 爾時世尊欲顯身通所謂一身作於多身多身還復  
 作於一身上沒下現下沒上現東沒西現西沒東現  
 南沒北現北沒南現山崖石壁能過無礙入地如水  
 覆水如地從地跏趺昇陟虛空猶如飛鳥身出烟焰  
 如大火聚滅火現水消水放火此之日月如是威德  
 而能以手摩捫捉持乃至梵天自在行動此是如來  
 現身神通現口通者汝等比丘今應當知如是分別  
 應當如是莫生分別應當如是觀察思惟應當如是  
 莫思惟觀汝等比丘應如是證莫如是證汝等比丘  
 應如是行莫如是行此是如來現口神通現意通者  
 汝等比丘今應當知此一切法藏皆悉熾然言熾然  
 者眼亦熾然色亦熾然眼識熾然眼觸熾然眼觸所  
 因生者有受若樂若苦非樂非苦彼亦熾然以何熾  
 然以欲火故煩惱熾然以瞋恚火煩惱熾然以愚癡  
 火煩惱熾然我如是說眼過如是其耳熾然聲響熾  
 然略說乃至鼻香熾然舌味熾然身觸熾然意法熾

6 7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4

然因於意觸所生受者若苦若樂非苦非樂彼亦熾然以何熾然以欲火故煩惱熾然以瞋恚火煩惱熾然以愚癡火煩惱熾然我如是說耳鼻舌身根塵過患復次若有多聞之人能作如是深觀察者彼能厭眼厭離眼識厭離眼觸若因眼觸所生受者若苦若樂非苦非樂是中亦能如是厭離是厭離眼又復如是厭離於耳厭離於聲乃至略脫厭離鼻香厭離舌味厭離身觸厭離意法若因意觸所生受者若樂若苦非樂非苦彼亦厭離既厭離訖卽不染著旣不染著卽得解脫旣得解脫卽有如是內淨智現自知我脫而有偈說

已斷生死諸欲流 已得梵行自利益

所作悉已皆成辦 更不受於後有生

爾時彼諸一千比丘聞佛世尊如是說已於諸漏中無復有爲卽得内心善好解脫捨梵志法名聲聞僧優波斯那品第四十五之一

爾時彼三迦葉兄弟有一外甥螺髻梵志其梵志名

優波斯那

此言最上征將

住在一山其所住山名阿修羅恒

共二百五十螺髻梵志弟子修學懶道彼聞其舅迦葉三人及諸弟子往詣於彼大沙門邊悉皆出家剃除鬚髮聞已心驚大不歡喜而口發言希有舅等於

若干年祭祀火神今日忽已入沙門中爲作弟子我今當往彼處訶責何故作是不善事也彼口中咽唧

唧之聲而往詣彼三阿舅邊到已遙見其三阿舅剃

除鬚髮著袈裟衣見已向舅而說偈言

舅等虛祀火百年 亦復空修彼苦行

今日同捨於此法 猶如蛇蛻於故皮

爾時彼舅迦葉三人同共以偈報其外甥優波斯那作如是言

我等昔空祀火神 亦復徒修於苦行

我等今日捨此法 實如蛇蛻彼故皮

爾時兵將螺髻梵志聞說偈已復反問彼三阿舅言此能勝也是時彼三阿舅報言此實勝也寧爲此行此行最妙爾時兵將螺髻梵志告其二百五十螺髻梵志弟子作如是言汝等梵志摩那婆輩我彼居處所有泉池并諸調度汝意自知作何處分我今欲在大沙門邊修行梵行爾時彼等二百五十螺髻梵志

9 8 7 6 5 4 3 2 1 0 1 2 3 4 5 6 7 8 9 20 1 2 3 4 5 6 7 8 9 30 1 2 3 4

即便共白優波斯那螺髻梵志作如是言和尚今若欲往於彼大沙門邊行梵行者我等亦當隨逐和尚同詣彼邊共修淨行爾時兵將螺髻梵志及諸弟子往詣佛所到佛所已而白佛言大德沙門我今願將諸弟子入沙門法中乃至是事當如是持爾時世尊告彼螺髻諸梵志言汝若然者當自取汝鹿皮之衣及祭火器擲棄一邊而其彼等諸梵志言如沙門教我等不違卽至居處將祭火具擲著一邊爾時梵志擲棄祭火器皿已後還至佛所到佛所已頂禮佛足而白佛言善哉世尊與我出家及具足戒佛告彼等作如是言汝等比丘來入於我自說法中修於梵行盡諸苦故而其彼等二百五十諸長老輩增更說法卽成具戒爾時世尊卽爲彼等諸長老輩增更說法如前還以三種神通示教利喜是時彼等於無爲法悉盡諸漏心得解脫爾時世尊最初集聚諸比丘衆所謂此等一千二百五十人俱並悉從於梵志出家皆阿羅漢卽得自利隨侍世尊證會說法復次其後諸比丘等卽白佛言善哉世尊彼等螺髻梵志師徒往昔之時種何善根今日並得出家受具皆證羅漢昔作何業今得是報又彼長老優婆頻螺迦葉一人

共其五百螺髻梵志而得爲首最勝最妙最上最尊  
那提迦葉三百弟子爲首爲最爲勝爲妙伽耶迦葉  
二百弟子爲首爲勝爲妙爲尊又復長老優婆頻螺  
迦葉往昔造於何業今日世尊種種教示如是難化  
自餘一切諸梵志等易受於化作是語已默然而住  
爾時佛告諸比丘言汝諸比丘至心諦聽我念往昔  
還在於此閻浮提內具足而有一千商人彼商人中  
有三兄弟各爲商主其一還名優婆頻螺迦葉主領  
五百商人第二還名那提迦葉亦復主領三百商人  
第三還名伽耶迦葉亦然還領二百商人爾時彼等

三大商主及諸商人相共欲往海內治生堪入海貨  
莊嚴已訖其物價數足直三百千萬金錢一百千萬  
擬自食糧一百千萬擬餘商人以爲本領一百千萬  
擬雜用度料理船舶彼等如是莊嚴竟已漸漸而行  
至彼海岸至海岸已供養祭祀大海之神辦具船舫  
其外倍價更顧五人所謂善解調治船者觀四方者  
汎水入者善浮水者張施帆者旣如是得彼五人已  
其三商主大聲唱言誰能入海三稱如是三聲大唱  
告已卽坐船上相共入海爲求財故彼等旣至大海  
之中忽遇黑風彼風吹船擲海潭上僉然而住

6 5 8 9 10 12 3 4 5 6 7 8 9 20 1 2 3 4 5 6 7 8 9 30 1 2 3 4

# 佛本行集經卷第四十二

## 音釋

**噤**巨禁切寒厥口閉也。全蒲闊切寒塵瘞也。皿眉永切器皿也。唧子力切唧聲也。歎所力切咄當沒切咄咄輪芮切蛇。呻小怖也。咄驚怖聲也。蛻解皮也。响音吼唬。摩捫手摩抄捫捺也。舶傍陌切海舶中大船也。舫甫妄切方舟也。沂桑故流而上潭音但水中日沂沙者處也。

**金壇**于塗奉爲四叔父亦庵公八十初度助資敬刻。佛本行集經卷第四十二計字六千二百三十二個該銀三兩一錢一分六厘伏願乘此續佛慧命之因用祈恒轉法輪之壽。崇禎壬午孟冬塗和南謹識。

# 佛本行集經卷第四十三

## 隋天竺三藏法師闍那崛多譯

### 優波斯那品第四十五之二

爾時商主及衆賈人至海洲已值於種種諸雜珍寶彼等收拾滿其船舶還至岸邊收斂寶貨欲向本國中間路上遇見一塔其塔乃是迦葉世尊多陀阿伽度阿羅訶三藐三佛陀舍利之塔其塔破壞基陞頽落處處墮墜如是見已而彼最長商主告於餘二商主及衆商言汝諸人輩若知我等不惜身命爲求財故入彼大海而今彼處得利迴還至於此間我等今

者亦可共作來世利益善業因緣如舊智人所說偈言

福德之力成多利 人得利故放逸生

放逸則無持戒心 以是因緣墮地獄

爾時商主說是偈已復更告言汝等當知以是因緣我等今者應當運心共歛錢財隨意多少料理於此迦葉如來舍利之塔是時彼等諸商主輩及衆商人同共諮詢白長商主言大善商主汝若歛錢當自作主檢校營造我等隨心所出多少錢財與之時長商主如是辭言我不堪爲檢校之主所以者何我事緣多

不能修理此之壞塔我若料理營此塔者則我家中妨廢生活彼等商人及二商主慇懃多時相共勸請遣令檢校是時彼等諸商人輩速疾隨出多少錢財而付與之爾時優婆頻螺迦葉修營彼塔卽自別造第一覆盆安置其上其次卽是那提迦葉第二覆盆其次復是伽耶迦葉第三覆盆如是次第通彼商人及商主等詳共料理迦葉如來舍利之塔破壞崩落皆使端嚴還如初造料理訖已發如是願願我等輩未來世中還共值遇如是世尊旣值遇已於彼世尊所說法教復願我等速疾證知願於未來世世生生

莫墮三惡四趣之中佛告比丘汝等當知彼三迦葉  
千商人者今三長老并及一千比丘是也又諸比丘  
彼時優婁頻螺迦葉昔日以諸商人多時慇懃勸請  
始肯檢校以彼業故今於我前多時方始受於我化  
當於爾時那提迦葉伽耶迦葉二商主等及諸商人  
誓發一言隨心多少速出錢財以是業報今日速疾  
承受我化彼時優婁頻螺迦葉最長商主先於迦葉  
如來世尊舍利塔上第一覆盆以用供養因彼業報  
今日得於五百人中最爲其首最勝最妙最爲第一  
那提迦葉第二覆盆因彼業報今爲三百梵志作首  
而得第一伽耶迦葉第三覆盆因彼業報今作二百  
螺髻梵首而得第一爾時彼等發如是願願我未來  
生生世世莫墮惡道及以地獄因彼業報不入惡道  
乃至地獄恒生人天受於快樂又其彼等共見迦葉  
佛舍利塔破壞料理還得如舊心發是願願於我等  
未來世中還得值遇如是世尊既值遇已彼世尊邊  
有所說法我等聞已速疾證知因彼業報今值遇我  
卽得出家受具足戒得阿羅漢果時諸比丘復白佛  
言希有世尊云何世尊見是優婁頻螺迦葉墮於邪  
道世尊方便出五百種神通教化然後始得阿羅漢

果作是語已默然而住爾時佛告諸比丘言汝諸比丘非但今日我見優婁頻螺迦葉墮於邪道勇猛精進出五百種神通化得其過去世亦墮邪道我心勤劬化取亦得時諸比丘卽白佛言善哉世尊此事云何願爲解說爾時佛告諸比丘至心諦聽我念往昔有一國土名毗提何此言非正身彼國內有一刹利王名鳩伽陀此言與身分灌頂爲王甚有大力多饒兵衆錢財穀米倉庫盈溢爾時國王心有邪見曾於一時十五日夜月盛圓滿光明照耀其王初夜喚諸大臣悉來集聚其第一臣名毗闍耶此言難勝第二

臣名蘇摩那此言善意第三名爲阿羅波多此言前言此三大臣最爲上首爾時彼王復更廣命召集無量諸大臣等而告之言汝諸臣等各自說心意之中作何方便過此一夜共相娛樂而令不睡時前言臣卽白王言大王當知如臣意見今一切處所有怨敵皆悉降伏更無所畏今宜恣情受於五欲而自娛樂時難勝臣復白王言大王當知五欲恒常是可得事此有何奇有何希有但大王今若有沙門若婆羅門精進持

戒具足多聞廣智慧者若得是人彼可供養彼可承事何以故開悟人故爾時國王報彼臣言卿此一言甚爲大善此言甚美是故卿今審諦觀察看何處邊最好沙門好婆羅門精進持戒多聞智慧我當至彼承事供養時前言臣卽白王言大王若須如是人者臣今能知如是人處在於鹿苑有一精進多聞之人名曰衆形姓迦葉氏能說微妙多種言語大王今者可事彼人爾時彼王嚴駕駟馬賢善妙車坐於其上身著白衣串白瓔珞左右皆悉著白衣裳張白繖蓋腳白革屣手執白拂以白摩尼而莊嚴之以大王威

大王神力及彼諸臣前後導從往詣衆形迦葉師邊到已恭敬坐於一面諮受未聞爾時鴟伽陀王慰問迦葉衆形導師作如是言尊者四大安隱以不一切時節和順以不資身之物得具足不衣食易得無所乏少不擾亂也爾時衆形迦葉道人卽報於彼鴟伽陀王作如是言大王我今無所乏少我身亦得安隱無患又復大王身體起動安和以不善事利益增長以不國內人民豐樂以不王之政治端平直不爾時鴟伽陀王共彼衆形迦葉道人相慰問已、有疑處卽諮詢言尊者世間有諸沙門及婆羅門各說法行

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

6 7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4

是中所有至真實者尊者爲我次第解說作是語已是時衆形迦葉道人卽報王言大王善聽是中所有至真實者此之真義我今當說是中有偈而鈍根人不能了知

世間幽冥愚癡人 或實或虛或妄語  
以彼無有智慧故 觸語不能辯了知  
諸業一切雜種無 善惡果報亦不有  
夜又等身亦非實 況復得有上諸天  
又復無有父母親 此世彼世悉皆絕  
沙門及婆羅門等 而彼一切皆悉空

世間師等亦復無 更有誰能被調伏  
愚癡人輩教他施 智人聞已心不隨  
若有善誑取他財 彼實愚癡自言智  
所應死者其自死 行施已後無果收  
此身一切常相連 欲言斷者無有是  
所有火風及地水 若苦不苦并樂時  
第七卽是壽命根 此等無有能殺者  
諸身及命兩間內 器仗從中自運行  
世間愚癡人不知 謂言此被傷害死  
如是怖畏名無智 若受是名智慧人

9 8 7 6 5 4 3 2 1 0 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

方

篇三

一經八萬四千生 流轉之時方得脫

如是煩惱乃能盡

八萬四千生後周

流轉無有錯亂期

猶如海潮波依限

如是之法次第說

大王今者應當知

爾時前言大臣聞說偈已卽白裸形迦葉師言如是  
 如是迦葉道人如尊者說所以者何尊者迦葉我知  
 宿命憶念昔在俱睞彌城曾作屠兒彼時我殺無量  
 無邊牛羊水牛猪羖羊馬殺賣取錢以用活命我作  
 如是惡業已後從彼捨命今來出此大將之家足有  
 資財以是因緣我知無有善惡業報爾時鷲伽陀王

第一大臣名難勝者在王後立彼大臣聞如是語已  
 悲泣下淚嗚咽不言時鷲伽王告彼臣言汝今何故  
 悲泣乃爾難勝報言大王當知迦葉道人所說之偈  
 及前言臣如是義理無有違失大王當知我亦憶念  
 往昔在於俱睞彌城曾作長者能大捨施作於檀主  
 所有資財悉皆共他分張而用白月黑月八日十四  
 及十五日恒常受持八關齋戒恒常精進守護身口  
 我作如是清淨業已今墮如是下賤婢胎生而作奴  
 大王當知以是因緣我聞牒形迦葉道人及前言臣  
 工人等語是故悲涕泣哭不勝亦知世間無有善道

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

時鷲伽王聞於衆形迦葉道人如是語已從坐而起還至本宮過彼夜後聚集百官一切大臣而告之言卿等三人從今日去若有私竊善惡等事慎莫問我今遣此難勝善意并及前言三大臣等此等三人聰明智慧代我判事時鷲伽王作是語已入於一殿名爲妙色在其中坐經於七日受五欲樂放逸自恣縱情而住過七日後時鷲伽王有於一女名曰意喜身著種種雜色之衣復以種種瓔珞七寶莊嚴身已向妙色殿至父王邊到已頂禮父王之足却坐一面默然而住時鷲伽王告其女言善意喜女汝曾至彼

園林內遊戲以不其中多有種種樹木其樹木上有諸華果復有種種飛鳥作聲汝入彼中意樂以不汝貪何等向我道之求願當與作是語已問女所須時意喜女白父王言善哉阿爺女今身資無所乏少唯欲啓白阿爺一言唯願父王聽女諮詢而說偈言

父王我今欲布施 一切沙門婆羅門

恒至月生十五時 願與我千金錢直

爾時鷲伽陀王聞其女說如是語已卽還以偈報意喜女作如是言

善女汝今至心聽 我從智人如是聞

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

雖復欲施多種財 一切皆空無果報  
汝今何故發此意 証惑世間諸癡人  
現在未來悉皆無 汝復何須過勞苦  
癡女汝今不聞彼 過葉說法正不差  
實無造業及作人 一切人天善惡果  
夜叉鬼神悉非有 父母眷屬亦復無  
略說八萬四千生 如是煩惱乃能淨  
若過八萬四千後 流轉方無錯亂心  
猶如海潮依限期 間中未至不可預  
但當任運待時到 何用強作世紛紜

迦葉所說汝當知 此事無有虛真實  
無現及以未來世 汝今莫自獨疲勞  
爾時意喜女聞父王鷲伽說是語已心中不樂卽復  
以偈更白父言

阿爺今是國之王 應以正法治天下  
惡臣諂曲旣無實 復勸王事愚癡師  
迦葉及彼三大臣 其等所說非真正  
父王此是惡知識 今者詐視知識形  
自行邪道復忤人 下賤愚癡何所別  
其今不與王安樂 反教王作不善因

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

我昔曾聞是事來 現在我身親自見  
愚癡故來生於此 後復還得愚癡身  
幽冥出已入幽冥 其後復還受幽冥  
迦葉既是愚癡者 稱其愚惑意所宣  
王爲人主統四方 知理達解世間事  
云何如彼小兒輩 入邪小道徑中行  
隨逐意受親近人 相學卽便生染著  
如箭被血所汙已 入束展轉更相塗  
智者交往深自防 不狎惡伴諸朋友  
雖身不作於諸罪 而常習近作罪人

久昵習學自相成 其後自然得惡響  
是故猶如彼射梁 智者畏著罪亦然  
莫與諸惡知識交 常親智慧善知識  
若諸衆生身業淨 經於八萬四千生  
屠兒殺害衆命時 又如獵射釣魚者  
迦葉既似彼等輩 彼輩亦如迦葉儻  
格量彼二一種齊 無有差別勝不如  
如是無體理迦葉 愚癡盲冥空出家  
執此虛妄爲淨因 八萬四千生分畢  
顛倒左轉行失度 無智愚癡心意迷

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

卷三

佛家經義

三

篇三

若諸衆生得淨時 不應八萬四千受  
偷賊劫殺於人物 能與他作惡怨讐  
迦葉共彼無有殊 彼與迦葉亦無異  
衆生若得於彼淨 云何八萬四千生  
如是數取善惡時 上下及中平等者  
一切無勝復無劣 亦復無有分別生  
若諸衆生得淨修 經歷八萬四千處  
彼人愚癡無有智 猶彼迦葉空出家  
譬如燄熾大火爆 普燒盡諸所祭物  
如是無智愚癡故 自燒一切功德山

大臣前言見未來 造作衆罪無果報  
彼於先世修福業 故今得受快樂心  
若人造作衆罪時 捨福自然受殃禍  
如船在水中不出 以重沉沒故不浮  
更無有人能出之 卽沒水中常腐敗  
如人數數造諸罪 以造不息罪過多  
如是卽沒地獄中 王此前言臣卽是  
以其罪患未成熟 其罪不久熟卽知  
罪熟卽墮彼泥犁 猶如船在水中沒  
被諸苦衣所覆蔽 草重自舉不能勝

9 8 7 6 5 4 3 2 1 0 1 2 3 4 5 6 7 8 9 30 1 2 3 4 5 6 7 8 9 30 1 2 3 4

船久如是益重牢 人造衆罪亦復爾

漸漸久沉體轉重 猶如人造善業因

速疾得向上界生 往昔造諸一切罪

今生如彼地種子 罪業盡已後漸生

若造諸善業報時 卽自生於善果處

時意喜女說是偈已復更重白其父王言父王當知我自思惟亦識宿命所以者何我憶往昔七生在於摩伽陀國王舍城內以惡知識相牽挽故造多罪業行於邪欲侵他婦妾受樂如天大王當知我於彼時所造惡業覆藏而住如灰覆火復次大王我於彼處

捨身已後又復生於金剛聚落富貴家生彼處生已值善知識黑月白月八日十四及十五日清淨守護八禁齋法恒常持戒大王當知我於彼處既造善業譬如安置種種伏藏至於水界牢固封治即便停住復次大王我於彼處亦捨身命以昔遇緣造惡業故有餘未盡即使墮落叫喚地獄在於彼處經多千年受極苦厄復次大王我於彼處罪業畢盡捨身即生頻那俱吒國土內受白瓶羊身彼處生已有諸王子或駕車乘或被鞍轄而騎我上復次大王我於彼處既捨身已復生於彼陀毗羅國亦作羊身彼處捨身

復受牛身捨彼牛身在山林中受獮猴身復次大王  
我於彼處捨獮猴身還生於彼金剛國內復受非男  
非女等身彼處業盡捨身卽生忉利天上歡喜園中  
與天帝釋以爲侍衛復次大王我於彼處捨身之後  
以昔護持月六齋戒得清淨故今日來生大王之家  
資財巨富無所乏少而大王今可不自觀此之因緣  
從何而得如是功德可不可以昔造善業故今受此報  
如是以不爾時鷲伽陀王如是共女意喜對說言論  
之時有一天僊名不那羅陀此言不<sub>叫喚</sub>從天上下觀閣  
浮提正當於彼鷲伽陀王宮殿之上從虛空中漸漸  
而下爾時王女意喜見彼天僊如是自上而下卽從  
座起更置高座請彼天僊坐於其上是時天僊安坐  
訖已意喜頂禮天僊之足合十指掌向於天僊而詰  
白言尊者天僊世間頗有善惡果報諸業以不頗有  
夜叉諸天以不有父母不有此彼世有沙門婆羅  
門不唯願天僊爲我解說我此父王不信是事爾時  
大天不那羅陀卽便反問鷲伽陀王作如是言大王  
云何汝今意中實不信於此事以不王卽白言此事  
實然天僊復言大王當知善惡果報一切皆有亦有  
夜叉及以諸天有父有母有此彼世有諸沙門及婆

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

羅門大王須信我從天上下來至此爾時鳩伽陀王語天僊言尊者天僊若有彼世今日尊者可與於我五百金錢我未來世當償尊者滿足一千時那羅陀天僊向王而說偈言

我今與王五百錢 須知王身有禁戒

若王心中無善行 因何未來償一千

此世有人詣曲行 彼世相求何處得

智人不與彼等債 如是人輩責求難

墮於地獄猛火然 或有諸鳥周布食

云何求世能償我 墮於地獄受苦時

利刀割截身不完 節節割時流膿血

苦惱暫時無歇息 云何還我一千錢

舉手把利斷斤時 斫剗其身如斬蔗

支節無有完全處 云何還我一倍錢

嚴惡黑狗膩茶身 處處轉動割截食

在於地獄無身肉 云何未來與倍錢

彼處有大利鐵叉 獄隊數數鑽其上

在於地獄手向下 云何與我一千錢

地獄多有劍樹林 一一劍頭十六倍

貫穿其上不暫住 誰能與我一刀錢

灰河地獄熱沸流 速疾如風如箭射  
入於其中受苦痛 云何與我一倍錢  
吞熱鐵丸地獄中 或復融銷赤銅汁  
在於如是苦逼內 云何與我一倍錢  
地獄有手如涇霖 各出熱炎嚴熾火  
割截支節無暫住 云何與我一倍錢  
彼處可畏闇無明 日月光影所不照  
在彼無智愚癡輩 云何與我一倍錢  
大王捨此非法行 勸王行於如法事  
王當作於如是習 後應不墮地獄中

東西南北所有來 沙門婆羅門乞索  
王當充足與食飲 衣服湯藥臥具房  
彼等精進梵行人 沙門婆羅門取語  
彼能救護王苦厄 猶如熱雨織蓋遮  
王作如是善業時 多有朋友相隨順  
得至善路快樂處 神通中最得神通  
如牛渡水直截流 若人把尾隨得濟  
一切世間亦如是 逐直得直邪得邪  
諸有人中行法行 凡人學行皆成勝  
爾時鳩伽陀王既聞說已復還以偈白彼天僕那羅

陀言

大梵天僊哀愍我 猶如父母愛嬌兒  
唯願數爲我現來 若覩智人見善事  
唯願尊者見度脫 我沒煩惱海甚深  
我今無地可住行 唯尊作我歸依處  
唯願大梵僊護我 我今覆面如墮坑  
地獄無量苦衆多 我今一一依尊語  
爾時大僊那羅陀天還更以偈告鷲伽陀王如是言  
王今若造罪不息 憎嫉沙門婆羅門  
斷見顛倒旣不除 我汝各各不相見

王若能行正法行 承事沙門婆羅門

精進持戒布施禪 我汝恒常得相見

時那羅陀大天僊神爲鷲伽陀大王說法教令正見  
心旣廻已王意喜歡頂禮天僊合十指掌右繞三帀  
時那羅陀卽從座起別鷲伽王還本來處爾時佛告  
諸比丘言汝諸比丘今應當知爾時天僊那羅陀者  
今現我身釋迦文是爾時彼王鷲伽陀者現卽今日  
優婁頻螺迦葉是爾時佛告諸比丘言汝諸比丘我  
於往昔見彼優婁頻螺迦葉邪見熾盛墮顛倒道發  
精進心教化令入於正道中今日亦然見其顛倒入

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

邪道故我以是發大精進力爲其出現五百種變神  
通教化令其安住無上菩提盡生死際到無畏處至  
涅槃岸

## 佛本行集經卷第四十三

音釋

𦥧

郎果切四音四一乘繖蘇早切織絲

屣所綺切履屬

𩫑

赤體也馬四馬也綾爲蓋也

切

𩫑

音古牡失再

云五故切

𩫑

尼質切都奚

纏紅擾亂也逆也

𩫑

尼質切都奚

則前切鞍竹角切

𩫑

崇禎壬午孟冬尊和南謹識

## 佛本行集經卷第四十四

隋天竺三藏法師闍那崛多譯

### 布施竹園品第四十六之一

爾時世尊於少時住象頭山次第漸欲向王舍城遊歷而行是時去彼優婁頻螺聚落未幾至王舍城其間有一舊僊人居林苑處所名曰法雨而其法雨林內有舊僊人草庵其中常有五百苦行道人而住悉得五通並皆年老久修梵行頭白少毛齒缺背曲身體皮膚多有黑靁咽喉垂嚙如牛頸頷容貌乾枯形骸朽敗仰杖方行喘氣嗽聲欲行卽踣向前欲進

9 8 7 6 5 4 3 2 1 0 1 2 3 4 5 6 7 8 9 20 1 2 3 4 5 6 7 8 9 30 1 2 3 4

一步不移羸瘦筋焦纔有皮骨皆悉百歲一切無堪  
以其往昔種諸善根唯今一生但值佛時卽得信行  
以未聞法不入涅槃皆在窟中各各禪坐爾時世尊  
欲化彼諸苦行僊人爲憐愍故至彼居處在其窟門  
戶頬之外而說此偈語彼僊言

若人雖說百句義 其名味字不合文

寧說一句勝百千 當令聞者得寂定

若人說於百句偈 旣無義理文句乖

說一句爲最勝尊 聞已自然得寂定

若人善巧解戰鬪 獨自伏得百萬人

今若能伏自己身 是名世間善鬪戰

一月之中千過鬪 一鬪百倍得勝他

若能歸信佛世尊 能勝於彼十六分

一月之中千過鬪 一鬪百倍得勝人

若能歸信法正真 能勝於彼十六分

一月之中千過鬪 一鬪百倍得勝他

若能歸信一切僧 能勝於彼十六分

一月之中千過鬪 一鬪百倍得勝人

若能思惟法性空 能勝於彼十六分

猶如小兒月月學 所食如彼茅草頭

若人歸信佛如來 能勝於彼十六分  
若有能信法僧寶 幷及思惟法性如  
如是歸者信難量 能勝於彼十六分  
如彼世間祭祀火 具足滿於一百年  
若一心歸三寶時 彼福百千萬倍勝  
如是百數不可盡 口業不可說得窮  
以彼質直牢固心 能得如是上福報  
若人滿足一百歲 在林祭祀於火神  
若見善調伏人來 能捨暫時供養者  
是則勝彼祭祀火 多種具足極一生

若人壽命滿百年 破戒心無有寂定  
有能堅持忍精進 一日活足勝彼長  
若人壽命滿百年 愚癡心恒生散亂  
有能智慧及禪定 一日活足勝彼長  
若人壽命滿百年 盲聾惛憒無聞見  
其有見佛及聞法 一日活足勝彼長  
若人壽命滿百年 蓑帽濁亂無覺察  
有能諦觀生死趣 一日活足勝彼長  
若人壽命滿百年 不觀世間無常句  
其有能了身非實 一日活足勝彼長

經

若人壽命滿百年 不觀世間甘露處  
其有能識甘露者 一日活足勝彼長

爾時世尊說於如是妙偈頌時時彼一切諸苦行人聞此偈已人人皆悉證得六通是時彼等諸苦行人從其窟出出已頂禮佛世尊足各各禮已從彼地方飛騰虛空捨於壽命入般涅槃身出水火以自焚燒既焚燒已彼諸舍利從虛空中各墮地上爾時世尊收彼五百羅漢舍利持作一聚卽起支提是時彼中有諸比丘佐助世尊供泥及石壘治爲塔世尊神手綱繆之指親自砌壘彼塔成就端正可喜世尊於彼

舍利塔上作種種法作已次第與諸比丘行向於彼摩伽陀國徒衆弟子足滿千人皆是彼舊螺髻梵志所出家者如是漸往詣王舍城爾時世尊與諸比丘至王舍城居住於彼杖林之內是時彼林別有一塔名善安住而有偈說

是時大衆相圍繞 世尊漸至王舍城

在於微妙杖林中

如來向彼欲居住

爾時彼處摩伽陀國有粟散王其王名曰頻頭婆羅傳聞他說沙門瞿曇甘蔗苗裔從釋種姓捨而出家今日來在摩伽陀中遊行教化與比丘衆足滿千人

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

經一  
卷之四  
一切皆是耆舊螺髻梵志出家今已至於王舍城側  
在杖林中善安住塔相與停止而彼沙門能於世間  
出大名聞彼婆伽婆阿羅訶三藐三佛陀善逝世間  
解無上士調御丈夫天人師佛世尊現在彼教化  
有緣又復世尊能於天人魔梵沙門及婆羅門一切  
世間以自神通皆能證知知已能作如是宣說生死  
已斷梵行已立所作已辦永更不受於後世有而彼  
世尊說法初善中善後善其義微妙唯獨具足畢竟  
清淨如是說法而如是等阿羅訶三藐三佛陀若當  
有人欲得往見其人善哉我今亦可至於彼所大沙

門邊見世尊故爾時摩伽陀國頻頭婆娑羅卽遣嚴駕  
賢善好車而坐其上共於國內諸婆羅門長者居士  
前後圍繞足滿十二那由他人從王舍城導引而出  
往詣佛所欲見如來爾時彼國王舍城中有一姪女  
其女名曰娑羅跋帝可喜端正人所樂見世無有雙  
歌舞作倡音樂洞解所有衆技六十四能皆悉具足  
時彼姪女傳聞人道此有沙門瞿曇釋子王種出家  
乃至彼作如是心念我今可至彼沙門邊爾時彼女  
如是示現欲出門已復如是思我今可於頻頭娑羅  
大王之前見於世尊復作是念又彼頻頭娑羅大王

以多人力打道而行到沙門邊又復多人大衆雜鬧  
恐其遮我不能得行我今可於崩牆空所無人行處  
速疾而往先見世尊爾時彼女作是念已顧取多人  
而告之言誰能多拔牆城甌塼卽當與汝如許錢直  
是時彼等諸受顧人一念時間破彼牆已而得道除  
一切瓦石荆棘平正爾時姪女娑羅跋帝卽遣莊束  
妙好車乘坐於其上從自己家出行端直平正好道  
欲詣杖林善安住塔見佛世尊頂禮恭敬爾時世尊  
知彼姪女娑羅跋帝心之所念知已卽作如是念言  
若彼姪女於先而來見於我者其頻頭王旣在後來  
見此姪女立於我前則生疑阻作是念已卽作神通  
令彼姪女卽更不能於王前來其頻頭王欲於先來  
其車一定卽住不行爾時頻頭娑羅大王心生恐怖  
悵快毛堅作如是念我今有何鬼神災禍爲我作礙  
致使如此是時彼處有一天神知於頻頭娑羅王心  
在虛空中隱身不現而告王言大王汝今莫生恐怖  
大王汝今亦無災禍亦無變恠雖然大王汝於某處  
瞻波城中禁繫一人名爲某甲速令解放車卽得行  
爾時頻頭娑羅大王聞彼天神如是語已速疾遣使  
放彼人旣散放已可通車處車卽得行其不通處

9 7 8 9 10 12 3 4 5 6 7 8 9 20 1 2 3 4 5 6 7 8 9 30 1 2 3 4

步入山林往詣佛所到佛所已頂禮佛足却坐一面  
爾時彼處摩伽陀國一切人民居士長者或頂禮已  
却住一面或有共佛對善語言各相慰喻訖已各還  
却坐一面或復有在佛世尊前說已姓字旣自說已  
却坐一面或復有人向佛合掌却坐一面或復有人  
對佛默然却坐一面爾時國中一切人民長者居士  
坐一面已作如是念今日此中有大沙門復有優婆  
頻螺迦葉我等國師未審今者爲當是此瞿曇沙門  
從迦葉邊受學梵行爲迦葉等從沙門邊學修梵行  
爾時世尊知摩伽陀一切人民長者居士心之所念

以偈告彼長老優婆頻螺迦葉作如是言

迦葉汝見何事情 先在河邊修苦行

爲我及衆說此意 棄彼祭祀事云何

爾時長老優婆頻螺梵志迦葉卽還以偈奉答佛言  
色聲香味及觸法 五欲世間人所求

如是染愛滿天中 爲貪是事我祭祀

爾時彼處摩伽陀國一切人民長者居士及婆羅門  
作如是念此大沙門自說一偈而彼優婆頻螺迦葉  
復說一偈而是二人竟不知誰何者是師何是弟子  
是時世尊知諸人民作是念已還更以偈問彼優婆

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

頻螺迦葉作如是言

色聲香味觸等法迦葉是中汝樂何

或有天上人世中汝心所貪答我問

爾時長老優婆頻螺梵志迦葉重還以偈奉答是言

我見寂靜無礙空無相障礙不能著

不變易處無有誑是處祭祀樂我心

爾時彼處摩伽陀國一切人民長者居士心如是念此大沙門自說二偈而彼優婆頻螺迦葉亦說二偈我等今者猶自不知何者是師何是弟子如是十方諸佛世尊皆有此法若其不令一切大眾生歡喜心

及希有想則不說法爾時世尊欲教大眾生於歡喜希有心故告彼優婆頻螺迦葉作如是言迦葉汝今若知時者可爲於彼摩伽陀國一切人民長者居士婆羅門等現上人法出於神通是時優婆頻螺迦葉聞佛語已卽白佛言如世尊教我不敢違爾時優婆頻螺迦葉從坐而起卽出神通飛騰自在於虛空中或復經行或住或坐或復眠臥身出烟炎或復隱身如是等出種種神通徧顯示已從空而下住於地上頂禮佛足而白佛言世尊實是我教授師我今真是無上世尊聲聞弟子而說偈言

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

攝受微妙神通已 頂禮世尊勝足趺

我弟子事既已周 世尊真是我師父

爾時摩伽陀國衆婆羅門長者居士及諸人民心生是念今此優婁頻螺迦葉乃是沙門瞿曇弟子從沙門邊行梵行耶作是知已向世尊邊生信向心生希有想爾時世尊知諸大衆生於歡喜希有之想卽爲大衆次第說法所謂教行布施持戒說於生天因緣業報說於眾離五欲之事說漏盡因說盡煩惱讚歎出家護助解脫而世尊知摩伽陀國婆羅門等長者居士及諸大衆一切已生歡喜之心生柔軟心無染

著心爾時世尊知彼大衆應當得道又復一切諸佛世尊知諸衆生或有讚歎而得道法卽爲大衆如應而說所謂苦集及於滅道世尊爲彼大衆宣說是法相時彼等大衆在於坐中頻頭娑羅而爲上首已外十一那由他人一時領悟復有師言凡有十二那由他人遠塵離垢盡煩惱界心得清淨於諸法中生淨法眼可有集法皆是滅相如實證知譬如淨衣無垢無膩無有黑色隨其所染易受於色如是如是彼摩伽陀諸婆羅門長者居士及以人民坐於彼座遠塵離垢乃至一切苦集之法皆是滅相如是證知其中

復有一那由他清信士受優婆塞戒爾時摩伽陀王  
頻頭娑羅已見法相已知法相已入法相於法相中  
已度諸疑徹過無礙於諸法中無復礙心已得無畏  
世尊法中不復隨他不復問他一切法中得如是知  
自在無礙時頻頭王卽白佛言如來世尊我昔在家  
作童子時發五種願我於今日悉得成就何等爲五  
一者我在少年之時早得王位世尊此是我之初願  
今已得成第二又願得王位已我治化內有佛出世  
此卽是我第二心願今已得成第三又願佛出世已  
彼世尊邊我設供養令得歡喜此是我心第三之願  
今亦得成第四又願彼世尊邊歡喜心已爲我說法  
此卽是我第四心願今亦得成第五又願彼世尊所  
爲我說法願我一切悉得證知此卽是我第五心願  
今亦得成又復世尊我昔在家童子之時發如是心  
願有所作我悉得成無上世尊我今遂也善修伽陀  
我今勝也譬如有人身曲得舒有人逃避藏伏得出  
迷人得道闇地得明盲眼之人顯見諸色無上世尊  
我今亦然然今世尊種種方便爲我說法又復世尊  
我從今去歸依世尊歸依法寶歸依聖僧從今日去  
一切時行優婆塞行願世尊知我如是持如來世尊

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

我從今去盡此形壽誓不殺生護衆生命猶如已命  
爲諸衆生作歸依處如是等持五戒十善唯願世尊  
及比丘衆受我明日飯食供養爾時世尊爲摩伽國  
頻頭大王默然受請時頻頭王知佛默然受其請已  
卽白佛言善哉世尊坐此車上入王舍城我當自行  
牽於此車作是語已佛語王言善哉大王唯願大王  
常得安樂我不用車時頻頭王從坐而起頂禮佛足  
圍繞世尊三匝竟已辭佛而去其頻頭王去未久間  
時諸比丘卽白佛言希有世尊云何今日摩伽陀王  
布施世尊馬車令乘又乞自行此事云何作是語已

默然而住爾時佛告諸比丘言汝諸比丘至心諦聽  
其摩伽陀頻頭大王非但今日布施於我馬車令乘  
爲我牽車往昔亦然已曾施我諸如是事時諸比丘  
重白佛言唯願世尊爲我等說其事云何爾時佛告  
諸比丘言我念往昔迦尸國內有一王名善意樂法  
如法王治時天帝釋欲見彼王告調御天摩多梨言  
此無著言處汝摩多梨至迦尸國將善意王來見於我爲  
我語彼作如是言仁者善意三十三天及天帝釋欲  
得見汝仁者莫辭要必須來時調御天摩多梨卽白  
帝釋言如天主教不敢有違旣受教已嚴駕寶車其

車控馭千疋馬牽莊嚴訖已卽時飛下闇浮提地詣  
迦戶國善意王邊旣到彼已住於虛空以偈白於善  
意王言

仁者今可來上車 天乘莊嚴無有上

諸天憶念於仁者 是彼三十三天王

爾時善意王旣聞 卽從東面登車上

此乘最勝無有譬 行詣向於尊勝天

諸天遙見彼王來 各起而迎告於彼

善來人中法王者 共天帝釋坐此處

是時帝釋大天王 遙見彼王來卽起

迎逆而告王言曰 善來世間汝大王  
於今此處自在天 可住此承天威力  
意欲停時隨多少 任情所用終不違

爾時彼王在於忉利三十三天多時住已心意不樂  
作是念言我今恐畏壽命減損作是念已卽便以偈  
白帝釋言

我昔初來樂天上 此處音樂微妙聲  
我今恐畏壽命終 所以還不樂天果

爾時忉利帝釋天王卽還以偈報答於彼善意王言  
王今年壽未虧減 命終之日猶尚遙

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

但以王今善業微 是故不樂於天上

仁者昔來乘自力 彼業今盡無有餘

既以罪業迷惑心 故令心不樂天上

今若欲受天威力 卽受天樂如舊時

如於微妙車乘中

又如惑亂妙林苑

汝今若作如是想 卽得心樂住此天

時善意王聞此偈已卽便詣白天帝釋言大善天王我從此處至人間當作多福業行於布施行於苦行於善事語言多實受於齋戒我當作是諸善業已還更來上於此天上時天帝釋告彼王言如是如是

如仁者言汝今日從此處已去至於人間當作如是多種功德多作善業乃至布施受於齋戒汝造如是善業竟已還來天上時善意王住彼天上經歷多時然後還詣向閻浮提至其王宮宮內所有妓女妃后及諸王子大臣百官親眷屬等皆悉死亡無有一在而王不見彼等舊人心中不樂憂愁悵怏而說偈言

此是彼之舊衣服 瓔珞臂釧及耳璫

生平護惜不施他 今死物留身何在

如是種種莊嚴具 牀褥被枕妙綻綻  
園林池沼及香山 忽然而捨於此處

一切人民既不見 所有宮殿並虛空  
婦兒眷屬悉皆無 我意云何樂於此  
智慧尊豪甚富貴 如是威德大家生  
司命惡鬼不護持 磨滅悉皆使離散  
若富若貴若貧賤 若聰若慧若愚癡  
或少或壯或老年 若至於此盡時節  
其司命鬼不能護 一切捉撮使消亡  
諸有利利婆羅門 毗舍首陀貴賤等  
或旃陀羅塗摩類 時至不簡擇彼留  
一切摧折悉無遺 猶如山川疾流駛

拔諸險岸所生樹 老病死至亦復然  
吞噉衆類身命根 我親自於彼處見  
四埵所居四鎮主 切利三十三天宮  
一戲意喜遊歷行 七日七夜時不及  
我住於彼帝釋處 面前恒對曠天王  
彼邊所覩餘諸天 常見有於如是事  
我今唯造作福業 行檀捨施及尸羅  
精進忍辱智慧禪 誓更不求王位報  
爾時佛告諸比丘言汝等比丘欲知彼時善意王者  
則我身是其摩多梨調御天者卽此摩伽頻頭王是

6 7 8 9 10 11 2 3 4 5 6 7 8 9 20 11 2 3 4 5 6 7 8 9 30 1 2 3 4

其於彼時將車請我爲我牽車今亦如是請我與車亦欲爲我躬自馭駕本誓願然爾時頻頭婆羅大王至已宮殿到已彼夜辦具種種甘美飲食悉皆豐足所謂噉食唼食啖食舐食舐食諸如是等一切並訖過彼夜後掃灑堂殿鋪設諸座卽遣使人往詣佛所諮請時至作如是言善哉世尊時節欲至所營飯食已辦具訖爾時世尊於晨朝時著衣持鉢與比丘衆左右圍繞足滿千人皆是宿舊螺髻梵志所出家者羽翼世尊詣王舍城爾時忉利帝釋天王卽自變改化作天身爲摩那婆形端正可喜衆人樂見頭上還以螺

髻爲冠身著黃衣其左手中執金澡瓶右手挾持雜寶之杖在佛比丘大衆前行行時其足離地四指不到塵土爾時帝釋摩那婆身說此偈言

如來自伏能調他 共此一千舊螺髻

如是金色妙身體 無上世尊今入城

自旣寂靜能寂他 共此一千舊螺髻

如是金色妙身體 無上世尊今入城

自旣得度能度他 共此一千舊螺髻

如是金色妙身體 無上世尊今入城

自旣得脫能脫他 共此一千舊螺髻

如是金色妙身體 無上世尊今入城  
其有能說十法門 十力具足十無勝  
一千比丘左右繞 無上世尊今入城  
爾時城內一切諸人見天帝釋作如是言希有希有  
此摩那婆極大端正可喜無雙人所樂見此誰侍者  
此供承誰爾時忉利帝釋天王卽以偈報彼諸人言  
諸佛善能伏一切 寂靜無上最勝尊  
應供天人世間中 我今與<sub>彼</sub>爲侍者  
最大丈夫能伏物 無有<sub>能</sub>破佛世尊  
應供天人世間中 我今與彼爲侍者

爾時世尊安詳行至頻頭娑羅王宮殿中入已卽便  
鋪座而坐爾時頻頭娑羅大王見佛世尊及諸大眾  
安坐已訖自手執持種種餚飲食之具施佛及僧  
并餘大眾一切克足自恣歎食衆雜唼味悉皆訖了  
佛及衆僧飯食竟已淨洗手足各將小座坐於佛前  
時頻頭王坐佛前已作是思惟今日令佛於何處住  
莫令去城過近過遠出家之人使得安心如法行道  
時頻頭王復作是念此之竹園近於城隍還往穩便  
來去不疲平坦易行衆人所樂欲求利益易得不難  
兼少蚊蟲毒蛇蝮蠍晝日寂靜無人去來夜裏少聲

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

蘭若亦得欲近城池來去無礙堪爲善人修道之處  
我今應用此之竹林奉施世尊以爲坐處時頻頭王  
作是念已而白佛言大聖世尊此竹園林去王舍城  
不近不遠乃至堪爲善人修道唯願世尊教我何法  
以此竹林布施世尊以爲坐處爾時佛告頻頭王言  
如是大王若欲布施我竹林者聽當布施彼招提僧  
時頻頭王卽白佛言如世尊教時頻頭王從坐而起  
手執金瓶與世尊水復白佛言善哉世尊此竹林園  
去城側近乃至堪爲善人修道我今捨施諸佛世尊  
招提僧等布施以後唯願世尊納取受用哀愍我故

爾時世尊卽便受取爲憐愍故因以此偈而呪願言

一切樹木雜園林 井及造作諸橋等

渠池井泉以克濟 船舫來去渡衆人

彼等恒於晝夜中 福報日增長無絕

行法持戒人亦爾 信敬牢固卽生天

爾時世尊爲頻頭王呪願訖已從坐而起還至本處  
至本處已爲此事緣集諸大衆集已而告諸比丘言  
汝諸比丘從今已後許諸比丘自畜園林時尼沙塞  
師作如是說得竹園緣

佛本行集經卷第四十四

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

音釋

麌亥減切

多敕加

頹音胡牛領

喘昌充切

噉蘇奏

也

踣蒲北切

倒也

盲聾盲眉庚切

目無童子也

惄憤切欵

惄憤

也

踣昆切

心不明了也

瞢懵瞢澄應切

懵武亘

也

覩古對切

心亂也

瞢懵瞢澄應切

懵不明也

也

覩音祿

牛倨切

也

也

覩院切

綻也

覩夷然切

蠻蠻蠻芳六切

虺也

蠻蠻蠻芳六切

虺也

駁制馬也

駁也

釧臂環也

瑞珠也

綻

綻

也

覩音祿

牛倨切

也

駁牛倨切

馬也

釧臂環也

瑞珠也

經

經

經

經

經

經

金壇于度登奉爲

叔父亦庵公八十初度助資敬刻

佛本行集經卷第四十四計字六千零六十八

個該銀三兩零三分四厘伏願乘此續佛慧命

之因用祈恒轉法輪之壽

崇禎壬午孟冬度登和南謹識

佛本行集經卷第四十五

隋天竺三藏法師闍那崛多譯

布施竹園品第四十六之二

爾時王舍大城之中有一長者名迦蘭陀國中大富多有資財豐饒駢使乃至其家猶如北方毗沙門宮一種無異其迦蘭陀竹林處所是彼長者自己之物去城不遠乃至堪爲善人居處彼園中有諸求道人來去居住其道人名阿耆叱伽此言耶那命迦葉遺師作如是說爾時四鎮四大天王告青色身夜又等言汝輩速疾往迦蘭陀竹園之內掃灑除却一切沙礫磣石

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

荆棘糞穢土道皆令平正勿使坑坎仰其淨潔今日世尊欲於彼園安居坐夏是時青色夜叉等衆承四大天王之威如是教已卽便白言如天王勅疾至彼園掃灑清淨乃至悉皆平正嚴淨爾時有一阿耆毗伽學道之人於晨朝起明星將現見四青色夜叉而來掃灑竹園見已卽至彼等邊問作如是言長者云何汝等是誰彼等報言仁者我輩青色夜又被四天王駁遣我等來於此處掃灑竹園乃至平正如來今欲於此安居經一夏坐以是義故我等今來料理此處爾時阿耆毗伽道人見如是事過夜日出速疾

往至迦蘭陀所大長者邊到已語彼迦蘭陀言汝大長者今若知時昨夜將盡明星現時我見有四青色夜叉掃灑料理於竹林園我旣見已至彼等邊借問其言諸長者輩汝等是誰彼報我言我等是彼青色夜叉被四天王駁使而來至於此處遣於我等掃此竹園而語我言汝等至於竹林園內乃至修治使令平正世尊今欲住此安居是故我等故來此處摒擋料理此竹園中爾時阿耆毗伽道人語長者言汝今於先將竹林園奉施沙門瞿曇受用恐畏於後摩伽陀王頻頭娑羅奪彼園與沙門瞿曇汝之長者當於

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

爾時恐不得施此之功德汝當不得徒自虛損時迦  
蘭陀大富長者從彼阿耆毗伽道人聞是言已卽詣  
佛所半由旬道逆逢世尊其迦蘭陀長者遙見世尊  
前來可喜端正衆人喜見乃至諸相莊嚴其身猶如  
衆星莊嚴虛空見已卽便於世尊所心生清淨心生  
歡喜詣向佛邊到佛所已頂禮佛足手執金瓶以清  
淨水灌於佛手爾時長者口作是言善哉世尊我住  
王舍名迦蘭陀我有一園稱爲竹林去城不遠乃至  
堪爲善人安處我今將彼園奉世尊世尊爲我受彼  
園用慈憐愍故爾時佛告彼長者言若當有人布施

奉佛或復園林或復宅地或餘衣服或餘資財空施  
佛者然彼之物於天人中卽成爲塔餘不得用佛告  
長者汝今若將彼之竹園布施招提現在未來一切  
大衆皆悉得用勸汝如是殷重布施時迦蘭陀長者  
聞佛如是語已卽白佛言如世尊教我不敢違爾時  
長者重白佛言世尊我今將竹林園布施未來三世  
一切衆僧來者皆隨意用願爲於我受用彼園憐愍  
我故是時世尊從迦蘭陀長者之邊受彼竹園爲欲  
憐愍彼長者故卽說偈頌而呪願言其偈初云樹木  
雜園乃至略說卽得生天此是世尊最先受施竹園

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

因緣爾時世尊在王舍城迦蘭陀烏竹園之內與大比丘徒衆千人所謂悉是舊僊螺髻梵志出家

大迦葉因緣品第四十七之一

爾時去彼王舍大城不近不遠有於一樹名雜豎立別有一師作如是言摩訶僧祇復作是說摩伽陀國王舍大城有一聚落其聚落名摩訶娑陀羅此言大澤田彼處有一婆羅門村其村還名摩訶娑陀羅而彼村內有一大富婆羅門名尼拘盧陀羯波此言堪用樹彼大長者巨富饒財多有駢使乃至其家猶如北方毗沙門天宮宅無異而彼長者大婆羅門領五百村處分

駢使受其節度爾時摩伽陀國頻頭娑羅王有一千具犁牛耕地彼婆羅門止少一具不滿一千所以者何恐畏頻頭娑羅大王生嫉妬心所以故減其婆羅門所有六畜不可知數唯數烟火知其多少其金錢藏一切合有二十五窖而彼大富婆羅門婦至其園中遊戲觀看彼婦因在一畢鉢羅樹下而坐爾時彼婦先舊懷娠卽便在彼樹下而產生一童子可喜端正衆人樂觀世間無比猶如金像而彼童子初生之時於彼樹上卽自然出一妙天衣彼衣現已其父母見作是思惟此之天衣必是童子福德故生是故卽

因此之瑞相名畢鉢羅耶那此言樹下生

而彼童子從生已來因樹爲名相傳卽稱畢鉢羅耶那爾時父母與彼童子各別安置四種奴母謂抱持奴乳哺之奴將遊戲奴看養育奴而彼四奴養育洗浴抱持戲笑與乳飲飼令其增長時畢鉢羅耶那童子而其父母唯此一兒愛重之心暫不聽離若不見時父母心中卽便不樂爾時童子福德因緣養育未幾漸向增長不久之間成就智慧乃至稍大能行能走而其父母及胎年數至滿八歲卽爲其受婆羅門戒旣受戒已卽便付囑父母家業諸雜技藝祭祀法式悉遣令教所

謂書畫算數刻印及四韋陀諸受記法世辯言談受持杖法大呪術法闡陀之論種種文章五行星宿度數陰陽滴漏知時一日一夜凡若干時如是則凶如是卽吉又復童子知地動相雷鳴震吼鳥獸鳴呼飛走驚動候相盡知一切諸變又占相知諸技藝相知男女相知六畜相知人洗淨清淨之行知受水法受澡灌法知受灰法知唱唄歌舞明識吉祥盛衰之相禳災解除祭祀火神大人諸天悉皆備訖旣自學已復能教他受他物時或施他物皆悉學得於世間中無所不達無處不知歟智捷疾黠慧聰明敏博辯才

利根多巧而彼童子本性質直常厭世間知欲不淨  
心生捨離以昔曾見諸佛世尊於彼佛邊種諸善根  
修諸功德已得成就知諸食相心多欲入向涅槃門  
常欲求出捨諸煩惱不受一切世間有爲不受一切  
生老病死往昔修行以爛一切諸業繫縛因此智力  
至成熟地一生補處時畢鉢羅耶那童子父母見其  
年漸長成堪受世欲如是知已卽告彼言耶那童子  
我欲爲兒婢取女子與兒爲侍作是語已時畢鉢羅  
耶那童子白父母言波波摩摩我心不樂取妻請婦  
我意願樂欲修梵行爾時耶那童子父母告其子言  
我所愛子兒今先須生子立世然後任當修於梵行  
何以故此事相承傳聞說言若人無子無有繼後彼  
人終不得生天上時彼童子報父母言波波摩摩我  
今不用立世相傳亦復不用繼續於後我當梵行如  
是父母再過三過告畢鉢羅耶那童子作如是言愛  
子要須立世取婦何以故畏我等家當絕嗣胤時畢  
鉢羅耶那童子乃至三過被其父母如是惱時卽便  
捉取闇浮檀金教於工匠作婦女形作已將向其父  
母邊出以示現向其父母作如是言波波摩摩我不  
用受五欲之樂願修梵行若必波波摩摩要欲爲我

取婦持立世者必當須覓如是顏色如闇浮檀金形  
狀者時畢鉢羅耶那童子父母既見如是事已心大  
憂愁悵快不樂心作是念我等何處能得婦女如闇  
浮檀金色形者時拘盧陀大婆羅門坐於樓上心裏  
不歡默然而住爾時彼家有婆羅門爲其門師恒常  
來往至彼大富婆羅門家時彼門師婆羅門來入其  
家已而呪願彼富婆羅門作如是言大施檀主願汝  
增加一切錢財吉祥果報無所乏少妻妾子媳願多  
增益復更重問其家人言汝之大家今在何處家人  
報言大婆羅門我大家今在於樓上心大悵快愁憂  
不樂默坐而住時彼門師婆羅門卽至於大富婆羅  
門邊如是白言願大施主增長家計宿昔何如於夜  
臥時食消以不又復夜共愛人相戲受於快樂稱意  
以不而彼主人富婆羅門默然不報彼復問言汝今  
何故默然不報我今如是與汝小來同苦同樂汝今  
何故不共我語時拘盧陀大婆羅門向其門師婆羅  
門邊委說前事說已語彼婆羅門言我今何處得知  
是女如闇浮檀金色形者爾時門師婆羅門報大婆  
羅門作如是言汝大施主富婆羅門莫愁莫苦汝旣  
爲我作於施主我所須者衣食具度常從汝得我爲

汝覓求於如是闍浮檀形金色之女汝心莫疑我覓  
決得我須道糧并及道伴汝覓與我我共彼等相隨  
而去四方求覓爾時大富婆羅門聞如是語已稱其  
所言皆悉辦具及徒伴與時彼門師婆羅門得種種  
資糧相發遣已卽作四色神明繖蓋種種莊校立爲  
神明於其前作種種音樂前後圍繞或有繖蓋底打  
金作其神明面或以銀作或玻瓈作神明之面或瑠  
璃作神明之面作已別遣三繖蓋行向於餘方其一  
自隨告彼別道諸人等言汝輩所至村邑方處普告  
一切諸村女言此是神明阿誰女能施設供養若供  
養者稱彼女心所欲求願卽得成就汝等當觀其諸  
女內若見有女作於金色汝等當問其姓氏族名字  
住處好惡宜速疾來還向我邊如是語已卽便別去  
時彼門師大婆羅門卽自將一繖蓋神明置於囊裏  
及食糧具詣於他方或至州村聚落城邑王宮巷陌  
所入之處卽將音聲樂彼神明所至之處有諸女等  
聞彼音聲一切悉來聚集觀察爾時彼大婆羅門見  
諸女集聚卽從囊中出神明形示現女輩口作是言  
汝等女輩各當供養此之神明若有女能供養於此  
神明之者其女所可有心求願卽得成就爾時彼等

一切女輩卽將種種塗香末香華鬘散華從家將來  
欲用供養彼之神明如是方便漸漸行至毗耶離城  
爾時去彼毗耶離城不遠有於一大村名迦羅毗迦  
黃色  
此言赤時彼村內有一巨富大婆羅門名迦毗羅  
黃色  
此言赤彼婆羅門富足資財多饒駢使乃至彼家猶如北  
方毗沙門宮一種無異彼婆羅門有於一女名跋陀  
羅迦畢梨耶此言賢彼女可喜端正殊絕衆人樂見  
世無有雙不短不長不麤不細不白不黑不紫不青  
其在盛年堪爲天下玉女之寶爾時彼處毗耶離城  
有一節日名爲然火其節日內有五百女共來集聚  
跋陀羅女身亦來集在彼會中爾時彼將繖蓋神明  
大婆羅門詣向於彼諸女之邊到已從囊卽出神明  
示現彼等一切諸女口作是言汝諸女輩此是天神  
最勝最妙汝等各當供養祭祀若有女人供養此神  
可有心願皆悉得成爾時彼等一切諸女各將種種  
末香塗香華鬘散華速走向彼神明之邊口作是言  
我今供養此天神明唯自有彼跋陀羅女獨不肯往  
近彼神明而彼一切諸女伴輩強抱其將徃神明邊  
亦到彼處其威光力彼間浮檀金色之形卽無威光  
便失本色爾時彼處跋陀羅女於女伴邊出力挺身

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

即便得脫走向自家白已父母作如是言波波摩摩  
願莫將我與於餘人何以故我今不用人作夫主我  
心中欲修行梵行爾時彼女所有兄弟語跋陀羅作  
如是言阿姊阿妹我等實亦不欲與汝暫時別離但  
我等輩若不嫁汝於道理中復不能得世人或言是  
女兄弟必於其邊有邪私意是故不肯嫁與他人恐  
涉此疑是時彼女兄弟復更作如是言汝但莫愁我  
等若當將汝欲許於他人者會當爲汝多索錢財而  
彼人求若不能辦多許錢物則汝自然不離家居而  
彼兄弟可有人來求彼女者卽作是言若人欲求我  
姊妹者還聚好金令如女大乃當相與爾時彼所求  
女門師大婆羅門將闇浮金女形行者旣覩於彼跋  
陀羅女見已問彼諸別女言此女是誰誰家所生時  
彼諸女報於彼客婆羅門言此處有一最勝巨富大  
婆羅門名迦毗羅彼是其女爾時彼客婆羅門聞此  
因緣已日將欲沒至黃昏時漸到於彼富婆羅門迦  
毗羅家到其家已從乞寄宿而彼家人卽便許可借  
其宿處時彼寄宿客婆羅門過其夜已至彼後日於  
晨朝時詣迦毗羅婆羅門邊到其邊已卽在其前而  
呪願言願此仁者婆羅門家常勝增長作於如是呪

願畢已却坐一面其迦毗羅問於彼客婆羅門言仁者昨夜安隱以不宿昔何如是時彼客婆羅門報作如是言我昨夜中甚大安隱快樂無惱爾時彼家跋陀羅女於晨朝時從眠臥起至其父邊到已頂禮於其父足却立一面時彼求女客婆羅門白迦毗羅富婆羅門作如是言善哉仁者此是誰女其迦毗羅報彼客言是我之女彼婆羅門復問仁者此女頗有與處以不迦毗羅言此女未有許與他處時彼求女客婆羅門卽白主人迦毗羅言大富仁者摩伽陀國有一聚落名摩訶娑他羅彼聚落內有於一村其村還名摩訶娑他羅其中有一大婆羅門名尼拘盧陀羯波巨富饒財彼有一子名畢鉢羅耶那摩那婆諸義自解復能教他於三韋陀悉皆洞解復解一事十名之論及尼軋輞書論往事五明論等一句半句一偈半偈皆能分別受記世辯六十種論解大丈夫諸要相等一切技藝無所乏少爾時彼客婆羅門說如是語已白主人言今勸仁者將此女與彼摩那婆持以爲妻是時彼大富婆羅門及諸兒子報於彼客婆羅門言大婆羅門此女若嫁索多錢財有誰能取客婆羅門問主人言索幾多財彼等報言稱此女形索若

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

千金爾時彼客婆羅門聞卽從袋出彼闍浮檀金色  
之形應稱是女汝等當取與我此女爾時彼女父母  
兄弟作如是念應彼處人聞我此女如是端正集聚  
多許闍浮檀金造作女形使若干大爾時彼女父母  
兄弟共如是言我等今者若取此形闍浮檀金不觀  
彼家錢財多少又不諳悉其國禮儀法則高下我女  
脫若至於彼家當見苦惱今須密使私觀彼家作是  
念已告彼求女婆羅門言善使仁者大婆羅門我今  
欲遣使觀彼家法用云何然後思量可與以不是時  
彼客大婆羅門報言如是任意當觀爾時彼客大婆  
羅門作是語已卽辭主人歸還本國到尼拘盧陀羯  
波婆羅門邊到已白言善勝仁者大婆羅門心應歡  
喜我求得女如闍浮檀金色形者彼甚可喜端正無  
雙衆人樂見時彼大富婆羅門問於彼求女婆羅門  
言大婆羅門仁者何處得見是女彼婆羅門卽報之  
言彼女舍去毗耶離城其間不遠有於一村名迦毗  
羅其內有一富婆羅門名迦毗羅彼婆羅門有女名  
曰跋陀羅迦畢梨耶爾時畢鉢羅耶那父母聞是事  
已心大歡喜徧滿其體不能自勝是時尼拘盧陀羯

波大婆羅門卽便置立從已坐村連接乃至毗耶離城其間步地半由旬道安一牛羣并造客舍如是處處安置訖了時迦毗羅大婆羅門告於彼等當牧牛人作如是言汝等各應如是備擬若其有人從毗耶離城來於此彼等所須一切諸物汝等迎接供奉彼人勿令乏短爾時跋陀羅卑梨耶女兄弟從其家出向摩伽陀至王舍城彼等值初第一牛羣所居之處彼處諸人曲躬出迎口作是言善來仁輩從於何方遠來到此卽引將入客舍之中以諸香湯與令澡浴復以種種香塗其身復將種種無價之衣與其令著復將種種雜好香華結用作鬘置其頭上然後別將種種甘美餚饍飲食與其令歟所謂唼味嚼齧嘗啜種種味具皆悉充足自恣飽已始告語言此中卽是我等牛舍可停一宿後日早起隨意而行時彼等客問牛子言此誰牛舍牛子報言此是尼拘盧陀羯波富婆羅門牧牛之舍故爲仁等客行安立恐畏仁等行來疲乏饑渴困極所須不得而彼客人一夜安臥後日起行如是次第值於第二牛羣之舍如是第三第四第五第六第七悉皆如是出迎承接復口白言汝等仁輩從何遠來乃至令宿一夜安樂眠臥後日

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

隨意而行時彼等客問主人言如是牛舍可有幾許  
牛子報言從彼摩訶婆他羅村已來至於毗耶離城  
半由旬間置一牛舍爾時跋陀羅迎卑梨耶女兄弟  
共聞如此語已卽作是念彼人牛舍尚有若干其餘  
錢財更何須說我等從此應須廻反還向本家我等  
當以我之姊妹嫁與彼家以爲其婦時彼兄弟卽遣  
使人告彼大富婆羅門言汝來可取我之姊妹爲汝  
新婦作是語已從彼廻還時畢鉢羅耶摩那婆聞於  
使人以得稱其心意之女聞已卽作如是念言我今  
應當自往觀看彼女實有如是德行智慧以不是時  
畢鉢羅耶童子卽便至已父母之邊長跪白言菴婆  
多多我心實亦不用五欲願修梵行而尊長今旣強  
爲我求於匹對是故我今自應往彼次第乞食觀看  
彼女實如使人言語以不時其父母卽告子言若知  
時者汝當自行而彼童子卽便辭行次第乞食漸漸  
至迦卑羅迎村時彼國內有如是法若有沙門若婆  
羅門來乞食者女手將食出授與彼人爾時跋陀羅女  
卽從其家自將食出授與彼客摩那婆手爾時畢鉢  
羅耶見彼女已作如是念此決定應是彼女也是時  
其女自手授與彼摩那婆飯食訖已頂禮其足却住

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

一面時摩那婆問彼女言仁者善女有嫁處未爾時  
彼女卽便報言仁者摩那婆摩伽陀國有一聚落其  
聚落名摩訶羯波彼處有一婆羅門村彼村有一富  
婆羅門名尼拘盧陀羯波彼有一子名畢鉢羅耶我  
之父母以將我許與彼爲妻爾時畢鉢羅耶卽便報  
彼跋陀羅女作如是言善女我聞彼摩那婆內心不  
用行於五欲願修梵行是時彼女卽便詰摩那婆  
言大婆羅門我今得聞如是言者甚大歡喜我亦不  
用行於五欲願修梵行今日許他此是父母世間之  
意我實不用今強以我隨同世人適彼爲妻爾時畢

鉢羅耶童子聞是語已問彼女言謂仁者善女汝昔  
曾見畢鉢羅耶摩那婆不彼女報言善摩那婆我未  
曾見時摩那婆復更重語於彼女言謂汝善女卽我  
是彼畢鉢羅耶摩那婆身我實不用行於五欲我今  
內心願行梵行此之事情是我父母眷屬之意真是  
父母故強與我取汝爲妻爾時跋陀羅女聞是語已  
卽便白彼摩那婆言善哉仁者大摩那婆我得是言  
甚大歡喜仁必不用世五欲者今莫久住速宜取我  
莫令於彼有無梵行世間之人而求索我爾時畢鉢  
羅耶得是語已卽從彼處廻還向家至父母邊到已

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

長跪白父母言菴婆多多我實不用行世五欲願修  
梵行二尊爲我欲取婦者但速疾爲我迎彼婦爾時  
畢鉢羅耶父母卽共迦單羅迦大婆羅門立於言契  
交關下財隨索多少辦具種種飲食雜味無價瓔珞  
妙寶衣等選求吉祥善好宿日多賚財寶往彼迎取  
跋陀羅迦單羅之女與兒作妻迎入家已於一室內  
鋪二合榆旣安置已而彼二人在一室內各各收斂  
不相染觸爾時畢鉢羅耶父母聞此事已作如是念  
彼之二人在一室內不相染觸此事云何卽更方便  
却一合榆止留一榆其旣同眠自應相合而彼二人

猶不相觸若畢鉢羅耶著於眠睡其跋陀羅女卽起  
經行若跋陀羅女著於睡眠其畢鉢羅耶卽復經行  
如是更互周歷年載終不同寢

### 佛本行集經卷第四十五

#### 音釋

樂郎擊切  
石也磑居良切  
磑石也  
聚土也堆都回切  
堆土也  
升人切搘丁浪切  
搘正切  
聚問也胤半晉切  
胤嗣續也  
流轉切齧張流  
齧也

榆吐盍切  
木也

6 7 8 9 10 11 2 3 4 5 6 7 8 9 20 11 2 3 4 5 6 7 8 9 30 11 2 3 4



金壇于玉圖爲  
古父見素府君 母虞太安人 施剗此  
卷以資冥福計字六千一百七十六個該銀三  
兩零八分八厘  
崇禎十六年季秋月本邑顧龍山識

金

二  
廿五

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4